

---

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय संहिता क्रम पाठः

चतुर्थ काण्डे – चतुर्थः प्रश्नः

---

## **Version Notes:**

**This is now the current Version 1.1 dated August 31, 2022**

1. This replaces the earlier version 1.0 dated October 31, 2021.
2. Corrections found and reported till August 15, 2022 are updated.
3. Required convention, style and presentation improvements or standardisations has been done wherever applicable.
4. Notify your corrections / suggestions etc to our email id [vedavms@gmail.com](mailto:vedavms@gmail.com)

## **Earlier Versions**

1st Version Number	0.0 dated October 15, 2018
2nd Version Number	1.0 dated Oct 31, 2021

---

## Table of Contents

4 कृष्ण यजुर्वेदीय तैत्तिरीय संहिता क्रम पाठः .....	4
4.4 चतुर्थ काण्डे चतुर्थः प्रश्नः – पञ्चमचितिशेषनिरूपणं .....	4

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

4 कृष्ण यजुर्वेदीय तैत्तिरीय संहिता क्रम पाठः

4.4 चतुर्थ काण्डे चतुर्थः प्रश्नः – पञ्चमचितिशेषनिरूपणं

T.S.4.4.1.1 - Kramam

र॒श्मि॒रसि॑ । अ॒सि॒ क्षया॑य । क्षया॑य त्वा । त्वा॒ क्षय॑म् । क्षय॑म् जि॒न्व ।  
जि॒न्व प्रे॑तिः । प्रे॑तिरसि॑ । प्रे॑तिरि॒ति प्र – इ॒तिः । अ॒सि॒ धर्मा॑य ।  
धर्मा॑य त्वा । त्वा॒ धर्म॑म् । धर्म॑म् जि॒न्व । जि॒न्वान्वि॑तिः ।  
अ॒न्वि॑तिरसि॑ । अ॒न्वि॑तिरि॒त्यनु॑ – इ॒तिः । अ॒सि॒ दि॒वे । दि॒वे त्वा॑ ।  
त्वा॒ दि॒वम् । दि॒वम् जि॒न्व । जि॒न्व स॒न्धिः । स॒न्धि॑रसि॑ । स॒न्धि॑रि॒ति  
सम् – धिः॑ । अ॒स्य॒न्तरि॑क्षाय । अ॒न्तरि॑क्षाय त्वा । त्वा॒ऽन्तरि॑क्षम् ।  
अ॒न्तरि॑क्षम् जि॒न्व । जि॒न्व प्र॒तिधिः॑ । प्र॒तिधि॑रसि॑ । प्र॒तिधि॑रि॒ति  
प्रति – धिः॑ । अ॒सि॒ पृथि॑व्यै । पृथि॑व्यै त्वा॑ । त्वा॒ पृथि॑वीम् ।  
पृथि॑वीम् जि॒न्व । जि॒न्व वि॒ष्टम्भः॑ । वि॒ष्टम्भो॑ऽसि॑ । वि॒ष्टम्भ  
इति॑ वि – स्त॒म्भः॑ । अ॒सि॒ वृष्ट्यै॑ । वृष्ट्यै॑ त्वा॑ । त्वा॒ वृष्टि॑म् ।  
वृष्टि॑म् जि॒न्व । जि॒न्व प्र॒वा । प्र॒वाऽसि॑ । प्र॒वेति॑ प्र – वा । अ॒स्य॒हे॑ ।

चतुर्थ काण्डे – चतुर्थः प्रश्नः – (TS 4.4)

अ॒हे॒ त्वा॑ । त्वा॒ऽहः॑ । अ॒हर् जि॒न्व । जि॒न्वा॒नु॒वा । अ॒नु॒वा॒ऽसि॑ ।  
अ॒नु॒वे॒त्यनु॑ – वा । अ॒सि॑ रा॒त्रि॒यै । रा॒त्रि॒यै॑ त्वा । त्वा॒ रा॒त्रि॒म् ॥  
रा॒त्रि॒म् जि॒न्व । जि॒न्वो॒शिक् । उ॒शि॒ग॒सि॑ । अ॒सि॑ व॒सु॒भ्यः॑ । 1 (50/57)

**T.S.4.4.1.2 - Kramam**

व॒सु॒भ्य॒स्त्वा । व॒सु॒भ्य॒ इति॑ व॒सु॒-भ्यः॑ । त्वा॒ व॒सून् । व॒सून्॑ जि॒न्व ।  
जि॒न्व प्र॒के॒तः । प्र॒के॒तो॒ऽसि॑ । प्र॒के॒त॒ इति॑ प्र – के॒तः । अ॒सि॑  
रु॒द्रे॒भ्यः॑ । रु॒द्रे॒भ्य॒स्त्वा । त्वा॒ रु॒द्रान् । रु॒द्रान् जि॒न्व । जि॒न्व सु॒दी॒तिः॑ ।  
सु॒दी॒ति॒र॒सि॑ । सु॒दी॒ति॒रिति॑ सु – दी॒तिः॑ । अ॒स्या॒दि॒त्ये॒भ्यः॑ ।  
आ॒दि॒त्ये॒भ्य॒स्त्वा । त्वा॒ऽऽदि॒त्यान् । आ॒दि॒त्यान् जि॒न्व । जि॒न्वौ॒जः॑ ।  
ओ॒जो॒ऽसि॑ । अ॒सि॑ पि॒तृ॒भ्यः॑ । पि॒तृ॒भ्य॒स्त्वा । पि॒तृ॒भ्य॒ इति॑ पि॒तृ॒-भ्यः॑ ।  
त्वा॒ पि॒तृन् । पि॒तृन् जि॒न्व । जि॒न्व त॒न्तुः॑ । त॒न्तु॒र॒सि॑ ।  
अ॒सि॑ प्र॒जा॒भ्यः॑ । प्र॒जा॒भ्य॒स्त्वा । प्र॒जा॒भ्य॒ इति॑ प्र – जा॒भ्यः॑ ।  
त्वा॒ प्र॒जाः॑ । प्र॒जा जि॒न्व । प्र॒जा इति॑ प्र – जाः॑ । जि॒न्व पृ॒त॒ना॒षाट् ।  
पृ॒त॒ना॒षाड॑सि । अ॒सि॑ प॒शु॒भ्यः॑ । प॒शु॒भ्य॒स्त्वा । प॒शु॒भ्य॒ इति॑  
प॒शु – भ्यः॑ । त्वा॒ प॒शून् । प॒शून् जि॒न्व । जि॒न्व रे॒वत् । रे॒वद॑सि ।

अ॒स्यो॑ष॒धी॒भ्यः॑ । ओ॒ष॒धी॒भ्य॒स्त्वा॑ । ओ॒ष॒धी॒भ्य॒ इ॒त्यो॑ष॒धि॒ - भ्यः॑ ।  
 त्वौ॑ष॒धीः॑ । ओ॒ष॒धी॒र् जि॒न्व॑ । जि॒न्वा॒भि॒जि॒त् । अ॒भि॒जि॒द॒सि॑ ।  
 अ॒भि॒जि॒दि॒त्य॒भि॑ - जि॒त् । अ॒सि॒ यु॒क्त॒ग्रा॒वा॑ । यु॒क्त॒ग्रा॒वे॒न्द्रा॒य॑ ।  
 यु॒क्त॒ग्रा॒वे॒ति॑ यु॒क्त॒ - ग्रा॒वा॑ । इ॒न्द्रा॒य॒ त्वा॑ । त्वे॒न्द्र॒म् ॥ इ॒न्द्र॒म् जि॒न्व॑ ।  
 जि॒न्वा॒धि॒प॒तिः॑ । अ॒धि॒प॒ति॒र॒सि॑ । अ॒धि॒प॒ति॒रि॒त्य॒धि॑ - प॒तिः॑ ।  
 अ॒सि॒ प्रा॒णाय॑ ( ) । प्रा॒णाय॑ त्वा । प्रा॒णाय॑ेति॑ प्र - अ॒नाय॑ । 2 (50/62)

**T.S.4.4.1.3 - Kramam**

त्वा॒ प्रा॒णम् । प्रा॒णम् जि॒न्व॑ । प्रा॒णमि॒ति॑ प्र - अ॒नम् । जि॒न्व॒ य॒न्ता॑ ।  
 य॒न्ता॑ऽसि॑ । अ॒स्य॒पा॒नाय॑ । अ॒पा॒नाय॑ त्वा । अ॒पा॒नाय॑ेत्य॒प॑ - अ॒नाय॑ ।  
 त्वा॑ऽपा॒नम् । अ॒पा॒नम् जि॒न्व॑ । अ॒पा॒नमि॒त्य॒प॑ - अ॒नम् ।  
 जि॒न्व॒ स॒र्पः॑ । स॒र्पो॑ऽसि॑ । स॒र्प॒ इति॑ स॒म् - सर्पः॑ ।  
 अ॒सि॒ चक्षु॑षे । चक्षु॑षे त्वा । त्वा॒ चक्षुः॑ । चक्षु॑र् जि॒न्व॑ । जि॒न्व॒  
 वयो॑धाः । वयो॑धा अ॒सि॑ । वयो॑धा इति॑ वयः-धाः । अ॒सि॒ श्रो॒त्राय॑ ।  
 श्रो॒त्राय॑ त्वा । त्वा॒ श्रो॒त्रम् ॥ श्रो॒त्रम् जि॒न्व॑ । जि॒न्व॒ त्रि॒वृत्॑ ।  
 त्रि॒वृद॑सि । त्रि॒वृदि॑ति॑ त्रि - वृत् । अ॒सि॒ प्र॒वृत्॑ । प्र॒वृद॑सि ।  
 प्र॒वृदि॑ति॑ प्र - वृत् । अ॒सि॒ स॒म् वृत्॑ । स॒म् वृद॑सि ।

चतुर्थ काण्डे – चतुर्थः प्रश्नः – (TS 4.4)

स॒म्॒वृ॒दिति॑ सम् – वृत् । अ॒सि॒ वि॒वृत् । वि॒वृ॒दसि॑ । वि॒वृ॒दिति॑  
 वि – वृत् । अ॒सि॒ स॒॒रो॒हः । स॒॒रो॒हो॑ऽसि । स॒॒रो॒ह इति॑  
 सम् – रोहः । अ॒सि॒ नी॒रो॒हः । नी॒रो॒हो॑ऽसि । नी॒रो॒ह इति॑  
 निः – रोहः । अ॒सि॒ प्र॒रो॒हः । प्र॒रो॒हो॑ऽसि । प्र॒रो॒ह इति॑ प्र – रोहः ।  
 अ॒स्य॒नु॒रो॒हः । अ॒नु॒रो॒हो॑ऽसि । अ॒नु॒रो॒ह इत्य॑नु – रोहः ।  
 अ॒सि॒ व॒सु॒कः । व॒सु॒को॑ऽसि । अ॒सि॒ वेष॑श्रिः । वेष॑श्रिरसि ।  
 वेष॑श्रिरिति॑ वेष – श्रिः । अ॒सि॒ व॒स्य॑ष्टिः । व॒स्य॑ष्टिरसि ।  
 अ॒सी॒त्य॑सि ॥ 3 (43/57)

(उ॒शि॒ग॒सि॑ – प्रा॒णाय॑ – त्रि॒च॒त्वा॒रि॒ञ्च॑) (A1)

**T.S.4.4.2.1 - Kramam**

रा॒ज्य॑सि । अ॒सि॒ प्रा॒ची॑ । प्रा॒ची॒ दिक् । दिग् व॒सवः॑ । व॒सव॑स्ते ।  
 ते दे॒वाः । दे॒वा अ॑धिपतयः । अ॑धिपतयोऽग्निः । अ॑धिपतय  
 इत्य॑धि – पतयः । अ॒ग्निर् हे॑तीनाम् । हे॒ती॒नाम् प्र॑तिधर्ता । प्र॑तिधर्ता  
 त्रि॒वृत् । प्र॑तिधर्तेति॑ प्रति – धर्ता । त्रि॒वृत् त्वा॑ । त्रि॒वृ॒दिति॑ त्रि॒-वृत् ।  
 त्वा॒ स्तो॑मः । स्तो॑मः पृथि॒व्याम् । पृथि॒व्या॑ श्रयतु । श्रय॑त्वाज्यम् ।  
 आ॒ज्य॑मु॒क्थ॑म् । उ॒क्थ॑मव्यथयत् । अ॒व्यथ॑यथ् स्त॒भ्ना॑तु ।

स्त॒भ्ना॒तु॒ र॒थ॒न्त॒र॒म् । र॒थ॒न्त॒र॒म्॑ साम॑ । र॒थ॒न्त॒र॒मि॒ति॑ र॒थ॒म् – त॒र॒म् ।  
साम॑ प्र॒ति॒ष्ठि॒त्यै॑ । प्र॒ति॒ष्ठि॒त्यै॑ वि॒राट् । प्र॒ति॒ष्ठि॒त्या॒ इति॑ प्र॒ति – स्थि॒त्यै॑ ।  
वि॒राड॑सि । वि॒राडि॑ति वि – राट् । अ॒सि॒ दक्षि॑णा । दक्षि॑णा दिक् ।  
दिग् रु॒द्राः॑ । रु॒द्रास्ते॑॑ । ते दे॒वाः । दे॒वा अधि॑पतयः । अधि॑पतय  
इन्द्रः॑ । अधि॑पतय इत्यधि – प॒तयः॑ । इन्द्रो॑ हे॒तीना॑म् । हे॒तीना॑म्  
प्र॒ति॒ध॒र्ता॑ । प्र॒ति॒ध॒र्ता॑ पञ्च॒दशः॑ । प्र॒ति॒ध॒र्ते॑ति प्र॒ति – ध॒र्ता॑ ।  
पञ्च॒दश॑स्त्वा॑ । पञ्च॒दश॑ इति॑ पञ्च – दशः॑ । त्वा स्तो॒मः॑ ।  
स्तो॒मः॑ पृथि॒व्याम् । पृथि॒व्या॑ श्रय॒तु । श्रय॒तु प्र॒उग॑म् । प्र॒उग॑मुक्थम् ।  
उक्थ॑मव्यथयत् । अव्यथयथ् स्त॒भ्ना॒तु । स्त॒भ्ना॒तु बृ॒हत् । बृ॒हत् साम॑ ।  
साम॑ प्र॒ति॒ष्ठि॒त्यै॑ । प्र॒ति॒ष्ठि॒त्यै॑ स॒म्राट् । प्र॒ति॒ष्ठि॒त्या॒ इति॑ प्र॒ति – स्थि॒त्यै॑ ।  
स॒म्राड॑सि । स॒म्राडि॑ति सम् – राट् । अ॒सि॒ प्र॒तीची॑॑ । प्र॒तीची॑ दिक् ।  
दिगा॑दि॒त्याः । 4 (50/61)

**T.S.4.4.2.2 - Kramam**

आदि॒त्यास्ते॑॑ । ते दे॒वाः । दे॒वा अधि॑पतयः । अधि॑पतयः सो॒मः॑ ।  
अधि॑पतय इत्यधि – प॒तयः॑ । सोमो॑ हे॒तीना॑म् । हे॒तीना॑म् प्र॒ति॒ध॒र्ता॑ ।  
प्र॒ति॒ध॒र्ता॑ स॒प्तद॑शः । प्र॒ति॒ध॒र्ते॑ति प्र॒ति – ध॒र्ता॑ । स॒प्तद॑शस्त्वा॑ ।



चतुर्थ काण्डे – चतुर्थः प्रश्नः – (TS 4.4)

सप्तदश इति सप्त – दशः । त्वा स्तोमः । स्तोमः पृथिव्याम् ।  
पृथिव्या७ श्रयतु । श्रयतु मरुत्वतीयम् ॥ मरुत्वतीयमुक्थम् ।  
उक्थमव्यथयत् । अव्यथयथ् स्तभ्नातु । स्तभ्नातु वैरूपम् ।  
वैरूप् साम । साम प्रतिष्ठित्यै । प्रतिष्ठित्यै स्वराट् । प्रतिष्ठित्या इति  
प्रति – स्थित्यै । स्वराडसि । स्वराडिति स्व – राट् । अस्युदीची ।  
उदीची दिक् । दिग् विश्वे ॥ विश्वे ते । ते देवाः । देवा अधिपतयः ।  
अधिपतयो वरुणः । अधिपतय इत्यधि – पतयः । वरुणो हेतीनाम् ।  
हेतीनाम् प्रतिधर्ता । प्रतिधर्तेकवि७शः । प्रतिधर्तेति प्रति – धर्ता ।  
एकवि७शस्त्वा ॥ एकवि७श इत्येक – वि७शः । त्वा स्तोमः ।  
स्तोमः पृथिव्याम् । पृथिव्या७ श्रयतु । श्रयतु निष्केवल्यम् ।  
निष्केवल्यमुक्थम् । उक्थमव्यथयत् । अव्यथयथ् स्तभ्नातु । स्तभ्नातु  
वैराजम् । वैराज् साम । साम प्रतिष्ठित्यै । प्रतिष्ठित्या अधिपत्नी ।  
प्रतिष्ठित्या इति प्रति – स्थित्यै । अधिपत्न्यसि ।  
अधिपत्नीत्यधि – पत्नी । असि बृहती । बृहती दिक् । दिङ्मरुतः ।

म॒रु॒तस्ते॑ । ते॒ दे॒वाः । दे॒वा अधि॑पतयः ( ) । अधि॑पतयो॒ बृह॒स्पतिः॑ ।  
अधि॑पतय॒ इत्यधि॑ – प॒तयः॑ । 5 (50/61)

**T.S.4.4.2.3 - Kramam**

बृह॒स्पति॑र्. हे॒तीना॑म् । हे॒तीना॑म् प्रति॒धर्ता॑ । प्रति॒धर्ता॑  
त्रि॒णव॑त्रयस्त्रि॒शौ । प्रति॒धर्ते॑ति प्रति – ध॒र्ता । त्रि॒णव॑त्रयस्त्रि॒शौ  
त्वा॑ । त्रि॒णव॑त्रयस्त्रि॒शा॒विति॑ त्रि॒णव – त्रय॑स्त्रि॒शौ । त्वा॑ स्तो॒मौ ।  
स्तो॒मौ पृ॒थिव्या॑म् । पृ॒थिव्या॑ श्रय॒ताम् । श्रय॑तां वै॒श्वदे॒वाग्नि॑मारु॒ते ।  
वै॒श्वदे॒वाग्नि॑मारु॒ते उ॒क्थे॑ । वै॒श्वदे॒वाग्नि॑मारु॒ते इति॑  
वै॒श्वदे॒व – आ॒ग्नि॑मारु॒ते । उ॒क्थे॑ अ॒व्यथ॑यन्ती । उ॒क्थे॑ इत्यु॒क्थे॑ ।  
अ॒व्यथ॑यन्ती स्त॒भ्नीता॑म् । अ॒व्यथ॑यन्ती॒ इत्य॒व्यथ॑यन्ती ।  
स्त॒भ्नीता॑ श॒क्वर॑रै॒वते॑ । श॒क्वर॑रै॒वते॑ सा॒मनी॑ । श॒क्वर॑रै॒वते॑ इति॑  
श॒क्वर – रै॒वते॑ । सा॒मनी॑ प्रति॒ष्ठित्यै॑ । सा॒मनी॑ इति॑ सा॒मनी॑ ।  
प्रति॑ष्ठित्या अ॒न्तरि॑क्षाय । प्रति॑ष्ठित्या इति॒ प्रति – स्थि॑त्यै ।  
अ॒न्तरि॑क्षायर्ष॒यः । ऋ॒षय॑स्त्वा । त्वा प्र॒थम॑जाः । प्र॒थम॑जा दे॒वेषु॑ ।  
प्र॒थम॑जा इति॑ प्रथम – जाः । दे॒वेषु॑ दि॒वः । दि॒वो मा॒त्रया॑ ।  
मा॒त्रया॑ व॒रिणा॑ । व॒रिणा॑ प्रथ॒न्तु । प्रथ॒न्तु वि॒धर्ता॑ । वि॒धर्ता॑ च ।

चतुर्थ काण्डे – चतुर्थः प्रश्नः – (TS 4.4)

वि॒ध॒र्ते॑ति॒ वि – ध॒र्ता॑ । चा॒यम् । अ॒यमधि॑पतिः । अधि॑पतिश्च ।  
अधि॑पतिरि॒त्यधि॑ – प॒तिः॑ । च॒ ते॑ । ते॒ त्वा॑ ॥ त्वा॒ सर्वे॑ ॥  
सर्वे॑ सम्॒विदा॑नाः । सम्॒विदा॑ना॒ नाक॑स्य । सम्॒विदा॑ना इति॑  
सम् – विदा॑नाः । नाक॑स्य पृ॒ष्ठे । पृ॒ष्ठे सु॒वर्गे॑ । सु॒वर्गे॑ लो॒के ।  
सु॒वर्ग॑ इति॑ सुवः – गे । लो॒के यज॑मानम् । यज॑मानम् च ।  
च सा॒दय॑न्तु । सा॒दय॑न्त्विति॑ सादयन्तु ॥ 6 (40/53)

(प्र॒तीची॑ दिङ् – म॒रुत॑स्ते॒ दे॒वा अधि॑पतय – श्र॒त्वारि॑ञ्च॒) (A2)

**T.S.4.4.3.1 - Kramam**

अ॒यम् पु॒रः । पु॒रो हरि॑केशः । हरि॑केशः॒ सूर्य॑रश्मिः । हरि॑केश इति॑  
हरि॑ – के॒शः॑ । सूर्य॑रश्मिस्तस्य॑ । सूर्य॑रश्मिरिति॑ सूर्य॑ – रश्मिः॑ ।  
तस्य॑ रथ॒गृथ्सः॑ । रथ॒गृथ्सश्च॑ । रथ॒गृथ्स॑ इति॑ रथ – गृथ्सः॑ ।  
च रथौ॑जाः । रथौ॑जाश्च । रथौ॑जा इति॑ रथ – ओजाः॑ ।  
च से॒नानि॑ग्रा॒मण्यौ॑ ॥ से॒नानि॑गा॒मण्यौ॑ पु॒ञ्जिक॑स्थला ।  
से॒नानि॑ग्रा॒मण्या॑विति॑ से॒नानि॑ – ग्रा॒मण्यौ॑ ॥ पु॒ञ्जिक॑स्थला च॑ ।  
पु॒ञ्जिक॑स्थलेति॑ पु॒ञ्जिक॑-स्थला । च कृ॒तस्थ॑ला । कृ॒तस्थ॑ला च॑ ।  
कृ॒तस्थ॑लेति॑ कृ॒त – स्थ॑ला । चा॒प्सर॑सौ ॥ अ॒प्सर॑सौ या॒तुधा॑नाः ॥

या॒तु॒धा॒ना हे॒तिः । या॒तु॒धा॒ना इति॑ या॒तु – धा॒नाः । हे॒ती र॒क्षाँ॑सि ।  
 र॒क्षाँ॑सि प्र॒हे॒तिः । प्र॒हे॒तिर॒यम् । प्र॒हे॒तिरि॒ति प्र – हे॒तिः ।  
 अ॒यम् दक्षि॑णा । दक्षि॑णा वि॒श्वकर्मा॑ । वि॒श्वकर्मा॑ तस्य॑ । वि॒श्वकर्मे॑ति  
 वि॒श्व – कर्मा॑ । तस्य॑ रथ॒स्वनः॑ । रथ॒स्वनश्च॑ । रथ॒स्वन इति॑  
 रथ॒-स्वनः॑ । च रथे॑चि॒त्रः । रथे॑चि॒त्रश्च॑ । रथे॑चि॒त्र इति॑ रथे॑-चि॒त्रः ।  
 च से॒ना॒नि॒ग्रा॒म॒ण्यौ॑ ॥ से॒ना॒नि॒ग्रा॒म॒ण्यौ मे॒नका॑ । से॒ना॒नि॒ग्रा॒म॒ण्या॑वि॒ति  
 से॒ना॒नि – ग्रा॒म॒ण्यौ॑ ॥ मे॒नका॑ च । च स॒ह॒ज॒न्या॑ । स॒ह॒ज॒न्या च॑ ।  
 स॒ह॒ज॒न्ये॑ति स॒ह – ज॒न्या॑ । चा॒प्सर॒सौ ॥ अ॒प्सर॒सौ द॒ङ्क्ष॑णवः ।  
 द॒ङ्क्ष॑णवः प॒शवः॑ । प॒शवो॑ हे॒तिः । हे॒तिः पौरु॑षेयः । पौरु॑षेयो व॒धः ।  
 व॒धः प्र॒हे॒तिः । प्र॒हे॒तिर॒यम् । प्र॒हे॒तिरि॒ति प्र – हे॒तिः । अ॒यम् प॒श्चात् ।  
 प॒श्चाद् वि॒श्वव्य॑चाः । वि॒श्वव्य॑चा॒स्तस्य॑ । वि॒श्वव्य॑चा इति॑  
 वि॒श्व – व्य॑चाः । तस्य॑ रथ॒प्रोतः॑ । रथ॒प्रोतश्च॑ । रथ॒प्रोत इति॑  
 रथ॒-प्रोतः॑ । चा॒सम॑रथः । अ॒सम॑रथश्च । अ॒सम॑रथ इत्य॒सम-रथः॑ ।  
 च से॒ना॒नि॒ग्रा॒म॒ण्यौ॑ ॥ से॒ना॒नि॒ग्रा॒म॒ण्यौ प्र॒म्लो॑चन्ती ।

चतुर्थ काण्डे – चतुर्थः प्रश्नः – (TS 4.4)

से॒ना॒नि॒ग्रा॒म॒ण्य॒ा॒वि॒ति॒ से॒ना॒नि॒ – ग्रा॒म॒ण्यौ॑ । प्र॒म्लो॒च॒न्ती॑ च ।

प्र॒म्लो॒च॒न्ती॑ति॒ प्र – म्लो॒च॒न्ती॑ । चा॒नु॒म्लो॒च॒न्ती॑ । 7 (50/70)

**T.S.4.4.3.2 - Kramam**

अ॒नु॒म्लो॒च॒न्ती॑ च । अ॒नु॒म्लो॒च॒न्ती॑त्य॒नु – म्लो॒च॒न्ती॑ । चा॒फ॒स॒र॒सौ॑ ॥

अ॒फ॒स॒र॒सौ॑ सर्पाः । सर्पा॑ हे॒तिः । हे॒तिर् व्या॒घ्राः । व्या॒घ्राः प्र॒हे॒तिः ।

प्र॒हे॒ति॒रय॒म् । प्र॒हे॒ति॒रि॒ति॒ प्र – हे॒तिः । अ॒य॒मु॒त्त॒रात् । उ॒त्त॒रा॒थ्

स॒म्य॑द्व॒सुः । उ॒त्त॒रा॒दि॒त्यु॒त् – त॒रात् । स॒म्यु॑द्व॒सु॒स्त॒स्य॑ ।

स॒म्य॑द्व॒सु॒रि॒ति॒ स॒म्य॑त् – व॒सुः । त॒स्य॑ से॒न॒जि॒त् । से॒न॒जि॒च् च॑ ।

से॒न॒जि॒दि॒ति॒ से॒न – जि॒त् । च॒ सु॒षे॒णः । सु॒षे॒णश्च॑ । सु॒षे॒ण॒ इति॑

सु – से॒नः । च॒ से॒ना॒नि॒ग्रा॒म॒ण्यौ॑ ॥ से॒ना॒नि॒गा॒म॒ण्यौ॑ वि॒श्वा॒ची॑ ॥

से॒ना॒नि॒ग्रा॒म॒ण्य॒ा॒वि॒ति॒ से॒ना॒नि॒ – ग्रा॒म॒ण्यौ॑ । वि॒श्वा॒ची॑ च॑ । च॒ घृ॒ता॒ची॑ ॥

घृ॒ता॒ची॑ च॑ । चा॒फ॒स॒र॒सौ॑ ॥ अ॒फ॒स॒र॒सा॒वा॒पः॑ । आ॒पो॑ हे॒तिः ।

हे॒तिर् वा॒तः । वा॒तः प्र॒हे॒तिः । प्र॒हे॒ति॒रय॒म् । प्र॒हे॒ति॒रि॒ति॒ प्र – हे॒तिः ।

अ॒य॒मु॒परि॑ । उ॒पर्य॑र्वा॒ग्व॒सुः । अ॒र्वा॒ग्व॒सु॒स्त॒स्य॑ ।

अ॒र्वा॒ग्व॒सु॒रि॒त्य॒र्वाक् – व॒सुः । त॒स्य॑ ता॒क्षर्यः॑ ।

ता॒क्षर्य॑श्च॑ । चा॒रि॒ष्ट॒ने॒मिः॑ । अ॒रि॒ष्ट॒ने॒मि॒श्च॑ ।

अ॒रि॒ष्ट॒ने॒मि॒रि॒त्य॒रि॒ष्ट॒ – ने॒मिः॑ । च॒ से॒ना॒नि॒ग्रा॒म॒ण्यौ॑ ॥  
 से॒ना॒नि॒ग्रा॒म॒ण्य॑वु॒र्व॒शी॑ ॥ से॒ना॒नि॒ग्रा॒म॒ण्य॑वि॒ति॒ से॒ना॒नि॒ – ग्रा॒म॒ण्यौ॑ ॥  
 उ॒र्व॒शी॑ च॒ । च॒ पू॒र्व॒चि॒त्तिः॑ । पू॒र्व॒चि॒त्ति॒श्च॑ । पू॒र्व॒चि॒त्ति॒रि॒ति॑  
 पू॒र्व॒ – चि॒त्तिः॑ । चा॒फ॒स॒र॒सौ॑ ॥ अ॒फ॒स॒र॒सौ॑ वि॒द्युत् । वि॒द्यु॒द्धे॒तिः॑ ।  
 वि॒द्यु॒दि॒ति॑ वि – द्युत् । हे॒ति॒र॒व॒स्फूर्ज॑न् । अ॒व॒स्फूर्ज॑न् प्र॒हे॒तिः॑ ।  
 अ॒व॒स्फूर्ज॑न्नित्य॒व – स्फूर्ज॑न् । प्र॒हे॒ति॒स्ते॒भ्यः॑ । प्र॒हे॒ति॒रि॒ति॒ प्र॒–हे॒तिः॑ ।  
 ते॒भ्यो॑ नमः॑ । नम॑स्ते । ते नः॑ । नो॒ मृ॒ड॒य॒न्तु॑ । मृ॒ड॒य॒न्तु॑ ते । ते यम् ।

यम् द्वि॒ष्मः॑ । 8 (50/65)

**T.S.4.4.3.3 - Kramam**

द्वि॒ष्मो॑ यः । यश्च॑ । च॒ नः॑ । नो॒ द्वेष्टि॑ । द्वेष्टि॑ तम् । तं वः॑ ।  
 वो॒ ज॒म्भे॑ ॥ ज॒म्भे॑ द॒धामि॑ । द॒धा॒म्या॒योः॑ । आ॒यो॒स्त्वा॑ । त्वा॒ स॒द॒ने॑ ।  
 स॒द॒ने॑ सा॒दया॑मि । सा॒दया॑म्य॒वतः॑ । अ॒वत॑रु॒छाया॑याम् । छा॒या॑याम्  
 नमः॑ । नमः॑ स॒मु॒द्राय॑ । स॒मु॒द्राय॑ नमः॑ । नमः॑ स॒मु॒द्रस्य॑ । स॒मु॒द्रस्य॑  
 च॒क्ष॒से॑ । च॒क्ष॒से॑ प॒रमे॑ष्ठी । प॒रमे॑ष्ठी त्वा॑ । त्वा॒ सा॒द॒य॒तु॑ । सा॒द॒य॒तु॑  
 दि॒वः॑ । दि॒वः॑ पृ॒ष्ठे॑ । पृ॒ष्ठे॑ व्य॒च॒स्व॒तीम्॑ । व्य॒च॒स्व॒तीम्॑ प्र॒थ॒स्व॒तीम्॑ ।  
 प्र॒थ॒स्व॒तीं॑ वि॒भूम॑तीम् । वि॒भूम॑तीम् प्र॒भूम॑तीम् ।

चतुर्थ काण्डे – चतुर्थः प्रश्नः – (TS 4.4)

वि॒भूम॑ती॒मिति॑ वि – भूम॑तीम् । प्र॒भूम॑तीम् परि॒भूम॑तीम् ।  
 प्र॒भूम॑ती॒मिति॑ प्र – भूम॑तीम् । परि॒भूम॑तीम् दि॒वम् ॥ परि॒भूम॑ती॒मिति॑  
 परि – भूम॑तीम् । दि॒वं यँ॑च्छ । य॒च्छ दि॒वम् ॥ दि॒वम् दृ॒ह ॥ दृ॒ह  
 दि॒वम् ॥ दि॒वम् मा । मा हि॒सीः । हि॒सीर् विश्व॑स्मै । विश्व॑स्मै  
 प्रा॒णाय॑ । प्रा॒णाय॑पा॒नाय॑ । प्रा॒णाय॑ेति प्र-अ॒नाय॑ । अ॒पा॒नाय॑ व्या॒नाय॑ ।  
 अ॒पा॒नाय॑ेत्यप – अ॒नाय॑ । व्या॒नाय॑ो॒दानाय॑ । व्या॒नाय॑ेति वि – अ॒नाय॑ ।  
 उ॒दा॒नाय॑ प्रति॒ष्ठायै॑ ॥ उ॒दा॒नाय॑ेत्युत् – अ॒नाय॑ । प्रति॒ष्ठायै॑ च॒रि॒त्राय॑ ।  
 प्रति॒ष्ठाय॑ इति प्रति – स्थायै॑ ॥ च॒रि॒त्राय॑ सूर्यः॑ । सूर्य॑स्त्वा । त्वा॒भि ।  
 अ॒भि पा॑तु । पा॒तु म॒ह्या । म॒ह्या स्व॒स्त्या ( ) ॥ स्व॒स्त्या छ॒र्दिषा॑ ॥  
 छ॒र्दिषा॑ श॒न्तमे॑न । श॒न्तमे॑न॒ तया॑ ॥ श॒न्तमे॑नेति शम् – तमे॑न ।  
 तया॑ दे॒वतया॑ । दे॒वतया॑ऽङ्गि॒रस्वत् ॥ अ॒ङ्गि॒रस्वद् ध्रु॒वा । ध्रु॒वा सी॑द ।  
 सी॒देति॑ सीद ॥ प्रोथ॑दश्वः । अश्वो॑ न । न यव॑से । यव॑से अ॒विष्य॑न् ।  
 अ॒विष्य॑न् यदा॑ । यदा॑ महः॑ । महः॑ सम्॒व॒रणात् ॥ सम्॒व॒रणाद्  
 व्य॒स्थात् ॥ सम्॒व॒रणा॑दिति सम् – व॒रणात् ॥ व्य॒स्था॑दिति  
 वि – अ॒स्थात् ॥ आ॒दस्य॑ । अ॒स्य वा॑तः । वा॒तो अनु॑ । अनु॑ वाति ।

वा॒ति॒ शो॒चिः॑ । शो॒चि॒रध॑ । अध॑ स्म । स्म॒ ते॒ । ते॒ व्र॒ज॒नम्॑ ।

व्र॒ज॒नम्॑ कृ॒ष्णम्॑ । कृ॒ष्ण॑मस्ति । अ॒स्ती॒त्यस्ति॑ ॥ 9 (78/88)

(प्र॒म्लो॒च॒न्ती॑ च - य॒ - स्व॒स्त्या - ऽष्टा॒वि॒ंश॒तिश्च॑) (A3)

**T.S.4.4.4.1 - Kramam**

अ॒ग्नि॒र् मू॒र्धा॑ । मू॒र्धा॑ दि॒वः॑ । दि॒वः॑ क॒कुत्॑ । क॒कुत्॑ प॒तिः॑ । प॒तिः॑

पृ॒थि॒व्याः॑ । पृ॒थि॒व्या॑ अ॒यम्॑ । अ॒य॒मि॒त्य॒यम्॑ ॥ अ॒पा॒ँ रे॒ता॒ँसि॑ ।

रे॒ता॒ँसि॑ जि॒न्वति॑ । जि॒न्व॒तीति॑ जि॒न्वति॑ ॥ त्वा॒म॒ग्ने॑ । अ॒ग्ने॒ पु॒ष्क॒रात्॑ ।

पु॒ष्क॒रा॒दधि॑ । अ॒ध्य॒थ॒र्वा॑ । अ॒थ॒र्वा॑ निः । नि॒र॒म॒न्थ॒त॑ ।

अ॒म॒न्थ॒तेत्य॑मन्थत ॥ मू॒र्द्ध॒नो॑ वि॒श्व॒स्य॑ । वि॒श्व॒स्य॑ वा॒घतः॑ । वा॒घ॒त॒ इति॑

वा॒घ॒तः॑ ॥ अ॒य॒म॒ग्निः॑ । अ॒ग्निः॑ स॒ह॒स्रि॒णः॑ । स॒ह॒स्रि॒णो॑ वा॒ज॒स्य॑ ।

वा॒ज॒स्य॑ श॒ति॒नः॑ । श॒ति॒न॒स्प॒तिः॑ । प॒ति॒रि॒ति॑ प॒तिः॑ ॥ मू॒र्धा॑ क॒विः॑ ।

क॒वी॒र॒यी॒णा॒म् । र॒यी॒णा॒मि॒ति॑ र॒यी॒णा॒म् ॥ भु॒वो॑ य॒ज्ञ॒स्य॑ ।

य॒ज्ञ॒स्य॑ र॒ज॒सः॑ । र॒ज॒सश्च॑ । च॒ ने॒ता॑ । ने॒ता॑ यत्र । यत्रा॑ नि॒यु॒द्धिः॑ ।

नि॒यु॒द्धिः॑ स॒च॒से॑ । नि॒यु॒द्धि॒रि॒ति॑ नि॒युत् - भिः॑ । स॒च॒से॑ शि॒वा॒भिः॑ ।

शि॒वा॒भि॒रि॒ति॑ शि॒वा॒भिः॑ ॥ दि॒वि॑ मू॒र्धा॒नम्॑ । मू॒र्धा॒नम्॑ दधि॒षे॑ । दधि॒षे॑

सु॒व॒र्षा॒म् । सु॒व॒र्षा॒म् जि॒ह्वा॒म् । सु॒व॒र्षा॒मि॒ति॑ सु॒वः - सा॒म् ।



चतुर्थ काण्डे – चतुर्थः प्रश्नः – (TS 4.4)

जि॒ह्वा॒म॒ग्ने॑ । अ॒ग्ने॑ च॒कृ॒षे॑ । च॒कृ॒षे॑ ह॒व्य॒वा॒ह॒म् । ह॒व्य॒वा॒ह॒मि॒ति॑  
ह॒व्य॒-वा॒ह॒म् ॥ अ॒बो॒द्ध्य॒ग्निः॑ । अ॒ग्निः॑ स॒मि॒धा॑ । स॒मि॒धा॑ ज॒ना॒ना॒म् ।  
स॒मि॒धे॒ति॑ स॒म् - इ॒धा॑ । ज॒ना॒ना॒म् प्र॒ति॑ । 10 (50/53)

**T.S.4.4.4.2 - Kramam**

प्र॒ति॑ धे॒नु॒म् । धे॒नु॒मि॒व॑ । इ॒वा॒य॒ती॒म् । आ॒य॒ती॒मु॒षा॒स॒म् ॥  
आ॒य॒ती॒मि॒त्या॑ - य॒ती॒म् । उ॒षा॒स॒मि॒त्यु॒षा॒स॒म् ॥ य॒ह्वा॑ इ॒व॑ । इ॒व॑ प्र॒ ।  
प्र॒ व॒या॒म् । व॒या॒मु॒ज्जि॒हा॒नाः॑ । उ॒ज्जि॒हा॒नाः॑ प्र॒ । उ॒ज्जि॒हा॒ना॑  
इ॒त्यु॒त् - जि॒हा॒नाः॑ । प्र॒ भान॑वः । भान॑वः सि॒स्र॒ते॑ । सि॒स्र॒ते॑ ना॒क॒म् ।  
ना॒क॒म॒च्छ॑ । अ॒च्छे॒त्य॒च्छ॑ ॥ अ॒वो॒चा॒म॒ क॒व॒ये॑ । क॒व॒ये॑ मे॒द्ध्य॑ाय ।  
मे॒द्ध्य॑ाय॒ व॒चः॑ । व॒चो॑ व॒न्दारु॑ । व॒न्दारु॑ वृ॒ष॒भा॒य॑ । वृ॒ष॒भा॒य॑ वृ॒ष्णो॑ ।  
वृ॒ष्ण॑ इ॒ति॑ वृ॒ष्णो॑ ॥ ग॒वि॒ष्टि॒रो॒ न॒म॒सा॑ । न॒म॒सा॑ स्तो॒म॒म् । स्तो॒म॒म॒ग्नौ॑ ।  
अ॒ग्नौ॑ दि॒वि॑ । दि॒वी॒व॑ । इ॒व॑ रु॒क्म॒म् । रु॒क्म॒मु॒र्व्य॒ञ्च॒म् ॥  
उ॒र्व्य॒ञ्च॒म॒श्रे॒त् । अ॒श्रे॒दि॒त्य॒श्रे॒त् ॥ ज॒न॒स्य॑ गो॒पाः॑ । गो॒पा॑ अ॒ज॒नि॒ष्ट॑ ।  
गो॒पा॑ इ॒ति॑ गो - पाः॑ । अ॒ज॒नि॒ष्ट॑ जा॒गृ॒विः॑ । जा॒गृ॒वि॒र॒ग्निः॑ ।  
अ॒ग्निः॑ सु॒दक्षः॑ । सु॒दक्षः॑ सु॒वि॒ता॒य॑ । सु॒दक्ष॑ इ॒ति॑ सु - दक्षः॑ ।  
सु॒वि॒ता॒य॑ न॒व्य॒से॑ । न॒व्य॒स॑ इ॒ति॑ न॒व्य॒से॑ ॥ घृ॒त॒प्र॒ती॒को॑ बृ॒ह॒ता॑ ।

घृ॒तप्र॑ती॒क इति॑ घृ॒त - प्र॒ती॒कः । बृ॒हता॑ दि॒विस्पृ॑शा ॥ दि॒विस्पृ॑शा ॥  
 द्यु॒मत् । दि॒विस्पृ॑शेति॑ दि॒वि - स्पृ॑शा ॥ द्यु॒मद् वि । द्यु॒मदि॑ति  
 द्यु - मत् । वि भा॑ति । भा॒ति भर॑तेभ्यः । भर॑तेभ्यः शु॒चिः ।  
 शु॒चिरि॑ति शु॒चिः ॥ त्वा॑मग्ने । अ॒ग्ने अ॒ङ्गि॑रसः ।  
 अ॒ङ्गि॑रसो गु॒हा ॥ 11 (50/57)

**T.S.4.4.4.3 - Kramam**

गु॒हा हि॒तम् । हि॒तम॑नु । अ॒न्ववि॑न्दन् । अ॒वि॒न्द॒ञ्छि॒श्रि॒याण॑म् ।  
 शि॒श्रि॒याण॑म् व॒नेव॑ने । व॒नेव॑न इति॑ व॒ने - व॒ने ॥ स जा॑यसे ।  
 जा॒यसे॑ म॒थ्यमा॑नः । म॒थ्यमा॑नः स॒हः । स॒हो म॒हत् । म॒हत् त्वा॑म् ।  
 त्वा॒माहुः॑ । आ॒हुः स॒हसः॑ । स॒हस॑स्पु॒त्रम् । पु॒त्रम॑ङ्गि॒रः । अ॒ङ्गि॒र  
 इ॒त्यङ्गि॑रः ॥ य॒ज्ञस्य॑ के॒तुम् । के॒तुम् प्र॑थ॒मम् । प्र॒थम॑म् पु॒रोहि॑तम् ।  
 पु॒रोहि॑तम॒ग्निम् । पु॒रोहि॑तमि॒ति पु॒रः - हि॒तम् । अ॒ग्निम् न॑रः ।  
 न॑रस्त्रिष॒धस्थे॑ । त्रिष॒धस्थे॑ स॒म् । त्रिष॒धस्थ॑ इति॑ त्रि - स॒धस्थे॑ ।  
 स॒मि॒न्धते॑ । इ॒न्धत॑ इती॒न्धते॑ ॥ इ॒न्द्रेण॑ दे॒वैः । दे॒वैः स॒रथ॑म् ।  
 स॒रथ॑ सः । स॒रथ॑मि॒ति स - रथ॑म् । स ब॒र्हिषि॑ । ब॒र्हिषि॑  
 सी॒दत् । सी॒दन्नि॑ । नि हो॒ता । हो॒ता य॒जथा॑य । य॒जथा॑य सु॒क्रतुः॑ ।

चतुर्थ काण्डे – चतुर्थः प्रश्नः – (TS 4.4)

सु॒क्र॒तु॒रि॒ति॒ सु॒-॒क्र॒तुः॑ ॥ त्वा॒म् चि॒त्र॒श्र॒व॒स्त॒म॒ । चि॒त्र॒श्र॒व॒स्त॒म॒ ह॒व॒न्ते॑ ।  
चि॒त्र॒श्र॒व॒स्त॒मे॒ति॑ चि॒त्र॒श्र॒वः॑ - त॒म॒ । ह॒व॒न्ते॑ वि॒क्षु॒ । वि॒क्षु॒ ज॒न्त॒वः॑ ।  
ज॒न्त॒व॒ इति॑ ज॒न्त॒वः॑ ॥ शो॒चि॒ष्के॑ श॒म् पु॒रु॒प्रि॒य॒ । शो॒चि॒ष्के॑ श॒मि॒ति॑  
शो॒चिः॑ - के॒श॒म् । पु॒रु॒प्रि॒या॒ग्ने॑ ॥ पु॒रु॒प्रि॒ये॒ति॑ पु॒रु॒ - प्रि॒य॒ ।  
अ॒ग्ने॑ ह॒व्या॒य॒ । ह॒व्या॒य॒ वो॒ढ॒वे॑ । वो॒ढ॒व॒ इति॑ वो॒ढ॒वे॑ ॥  
स॒खा॒यः॑ स॒म् । सं॒ वः॑ । वः स॒म्य॒ञ्च॒म् ॥ स॒म्य॒ञ्च॒मि॒ष॒म् ॥  
इ॒ष॒७ स्तो॒म॒म् ॥ 12 (50/56)

**T.S.4.4.4.4 - Kramam**

स्तो॒म॒म् च॑ । चा॒ग्न॒ये॑ ॥ अ॒ग्न॒य॒ इत्य॒ग्न॒ये॑ ॥ व॒र्षि॑ष्ठाय क्षि॒ती॒ना॒म् ।  
क्षि॒ती॒ना॒मूर्जः॑ । ऊ॒र्जो॑ न॒प्त्रे॑ । न॒प्त्रे॑ स॒ह॒स्व॒ते॑ । स॒ह॒स्व॒त॒ इति॑  
स॒ह॒स्व॒ते॑ ॥ स॒ञ्स॒मि॒त् । स॒ञ्स॒मि॒ति॒ स॒म् - स॒म् । इ॒द् यु॒व॒से॑ ।  
यु॒व॒से॑ वृ॒ष॒न् । वृ॒ष॒न् अ॒ग्ने॑ ॥ अ॒ग्ने॑ वि॒श्वानि॑ । वि॒श्वान्य॑र्यः । अ॒र्य॑ आ ।  
ए॒त्या ॥ इ॒ड॒स्प॒दे॑ । प॒दे॑ स॒म् । स॒मि॒द्ध्य॒से॑ । इ॒द्ध्य॒से॑ सः । स॒ नः॑ ।  
नो॒ व॒सू॒नि॑ । व॒सू॒न्या॑ । आ॒ भ॒र॒ । भ॒रे॒ति॑ भ॒र ॥ ए॒ना॒ वः॑ ।  
वो॒ अ॒ग्नि॒म् । अ॒ग्नि॒म् न॒म॒सा॑ । न॒म॒सो॒र्जः॑ । ऊ॒र्जो॑ न॒पा॒त॒म् ।  
न॒पा॒त॒मा॑ । आ॒ हु॒वे॑ । हु॒व॒ इति॑ हु॒वे॑ ॥ प्रि॒य॒म् चे॒ति॒ष्ठ॒म् ।

चेतिष्ठमरतिम् । अरति७ स्वद्ध्वरम् । स्वद्ध्वरं विश्वस्य ।  
 स्वद्ध्वरमिति सु - अद्ध्वरम् । विश्वस्य दूतम् । दूतममृतम् ॥  
 अमृतमित्यमृतम् ॥ स योजते । योजते अरुषः । अरुषो  
 विश्वभोजसा । विश्वभोजसा सः । विश्वभोजसेति विश्व - भोजसा ।  
 स दुद्रवत् । दुद्रवथ् स्वाहुतः । स्वाहुत इति सु - आहुतः ॥  
 सुब्रह्मा यज्ञः । सुब्रह्मेति सु - ब्रह्मा ॥ यज्ञः सुशमी ॥  
 सुशमी वसूनाम् । सुशमीति सु - शमी ॥ 13 (50/55)

**T.S.4.4.4.5 - Kramam**

वसूनाम् देवम् । देव७ राधः । राधो जनानाम् ।  
 जनानामिति जनानाम् ॥ उदस्य । अस्य शोचिः । शोचिरस्थात् ।  
 अस्थादाजुह्वानस्य । आजुह्वानस्य मीढुषः ।  
 आजुह्वानस्येत्या - जुह्वानस्य । मीढुष इति मिढुषः ॥ उद् धूमासः ।  
 धूमासो अरुषासः । अरुषासो दिविस्पृशः । दिविस्पृशः सम् ।  
 दिविस्पृश इति दिवि - स्पृशः । समग्निम् । अग्निमिन्धते ।  
 इन्धते नरः । नर इति नरः ॥ अग्ने वाजस्य । वाजस्य गोमतः ।  
 गोमत ईशानः । गोमत इति गो - मतः । ईशानः सहसः ।

चतुर्थ काण्डे – चतुर्थः प्रश्नः – (TS 4.4)

स॒ह॒सो॒ य॒हो॒ । य॒हो॒ इति॑ य॒हो॒ ॥ अ॒स्मे॒ धे॒हि॒ । अ॒स्मे॒ इत्य॒स्मे॒ । धे॒हि॒  
जा॒त॒वे॒दः॑ । जा॒त॒वे॒दो॒ म॒हि॑ । जा॒त॒वे॒द इति॑ जा॒त॒वे॒दः॑ । म॒हि॒ श्र॒वः॑ ।  
श्र॒व इति॑ श्र॒वः॑ ॥ स॒ इ॒धा॒नः॑ । इ॒धा॒नो॒ व॒सुः॑ । व॒सु॒ष्क॒विः॑ ।  
क॒वि॒र॒ग्निः॑ । अ॒ग्नि॒री॒डे॒न्यः॑ । ई॒डे॒न्यो॑ गि॒रा । गि॒रेति॑ गि॒रा ॥  
रे॒व॒द॒स्म॒भ्यम्॑ ॥ अ॒स्म॒भ्यम्॑ पु॒र्व॒णी॒क॑ । अ॒स्म॒भ्य॒मि॒त्य॒स्म॒ – भ्यम्॑ ।  
पु॒र्व॒णी॒क॑ दी॒दि॒हि॒ । पु॒र्व॒णी॒केति॑ पु॒रु॒अ॒नी॒क॑ । दी॒दि॒हीति॑ दी॒दि॒हि॒ ॥  
क्ष॒पो॑ रा॒ज॒न् ॥ रा॒ज॒न्नु॒त॑ । उ॒त॒ त्म॒ना॑ ॥ त्म॒ना॒ऽग्ने॑ ॥ अ॒ग्ने॒ व॒स्तोः॑ ॥  
व॒स्तो॑रु॒त॑ । उ॒तो॒ष॒सः॑ । उ॒ष॒स इत्यु॒ष॒सः॑ ॥ स॒ ति॒ग्म॒ज॒म्भ॑ ।  
ति॒ग्म॒ज॒म्भ॒ र॒क्ष॒सः॑ । ति॒ग्म॒ज॒म्भेति॑ ति॒ग्म॒ – ज॒म्भ॑ । 14 (50/58)

**T.S.4.4.4.6 - Kramam**

र॒क्ष॒सो॑ द॒ह॒ । द॒ह॒ प्र॒ति॑ । प्र॒तीति॑ प्र॒ति॑ ॥ आ॒ ते॑ ॥ ते॒ अ॒ग्ने॒ ।  
अ॒ग्ने॒ इ॒धी॒म॒हि॒ ॥ इ॒धी॒म॒हि॒ द्यु॒म॒न्त॑म् ॥ द्यु॒म॒न्त॑म् दे॒व॑ । द्यु॒म॒न्त॑मि॒ति॑  
द्यु॒म॒न्त॑म् ॥ दे॒वा॒ज॒र॑म् ॥ अ॒ज॒र॒मि॒त्य॒ज॒र॑म् ॥ य॒द्ध॑ । ह॒ स्या॑ । स्या॒ ते॑ ॥  
ते॒ प॒नी॒य॒सी॑ । प॒नी॒य॒सी॑ स॒मि॒त् । स॒मि॒द् दी॒द॒य॒ति॑ । स॒मि॒दि॒ति॑  
स॒म् – इ॒त् । दी॒द॒य॒ति॑ द्य॒वि॑ । द्य॒वी॒ष॑म् ॥ इ॒ष॑ स्तो॒तृ॒भ्यः॑ ।  
स्तो॒तृ॒भ्य॑ आ॒ । स्तो॒तृ॒भ्य॑ इति॑ स्तो॒तृ॒ – भ्यः॑ । आ॒ भ॒र॑ । भ॒रेति॑ भ॒र॑ ॥

आ ते॑ । ते॑ अ॒ग्ने॑ । अ॒ग्न ऋ॒चा । ऋ॒चा ह॒विः॑ । ह॒विः शु॒क्रस्य॑ ।  
 शु॒क्रस्य॑ ज्योतिषः । ज्योतिष॑स्पते । प॒त इति॑ पते ॥ सु॒श्चन्द्र॑ द॒स्म ।  
 सु॒श्चन्द्रेति॑ सु - च॒न्द्र । द॒स्म वि॒शपते॑ । वि॒शपते॑ ह॒व्यवाट् । ह॒व्यवाट्  
 तु॒भ्यम्॑ । ह॒व्यवाडिति॑ ह॒व्य - वाट् । तु॒भ्यञ् हू॒यते॑ । हू॒यत॑ इषम् ।  
 इषञ् स्तो॒तृभ्यः॑ । स्तो॒तृभ्य आ॑ । स्तो॒तृभ्य इति॑ स्तो॒तृ - भ्यः॑ ।  
 आ भ॑र । भ॒रेति॑ भ॒र ॥ उ॒भे सु॒श्चन्द्र॑ । उ॒भे इत्यु॒भे । सु॒श्चन्द्र॑  
 सर्पि॑षः । सु॒श्चन्द्रेति॑ सु - च॒न्द्र । सर्पि॑षो द॒र्वी । द॒र्वी श्री॑णीषे ।  
 द॒र्वी इति॑ द॒र्वी । श्री॑णीष आ॒सनि॑ । आ॒सनीत्या॒सनि॑ ॥ उ॒तो नः॑ ।  
 उ॒तो इत्यु॒तो । न॒ उत् । उत् पु॒पूर्याः॑ । पु॒पूर्या उ॒क्थेषु॑ । 15 (50/60)

**T.S.4.4.4.7 - Kramam**

उ॒क्थेषु॑ श॒वसः॑ । श॒वस॑स्पते । प॒त इष॑म् । इषञ् स्तो॒तृभ्यः॑ ।  
 स्तो॒तृभ्य आ॑ । स्तो॒तृभ्य इति॑ स्तो॒तृ - भ्यः॑ । आ भ॑र । भ॒रेति॑ भ॒र ॥  
 अ॒ग्ने तम्॑ । त॒मद्य॑ । अ॒द्याश्च॑म् । अ॒श्चम् न॑ । न॒ स्तोमैः॑ । स्तोमैः॑  
 क्र॒तुम्॑ । क्र॒तुम् न॑ । न॒ भद्र॑म् । भ॒द्रञ् ह॒दिस्पृ॑शम् । ह॒दिस्पृ॑शमिति॑  
 ह॒दि - स्पृ॑शम् ॥ ऋ॒द्ध्यामा॑ ते । त॒ ओहैः॑ । ओहै॑रित्योहैः ॥  
 अधा॑ हि । ह्य॒ग्ने । अ॒ग्ने क्र॑तोः । क्र॑तोर् भ॒द्रस्य॑ । भ॒द्रस्य॑ दक्ष॑स्य ।

चतुर्थ काण्डे – चतुर्थः प्रश्नः – (TS 4.4)

दक्षस्य साधोः । साधोरिति साधोः ॥ रथीर् ऋतस्य । ऋतस्य  
बृहतः । बृहतो बभूथ । बभूथेति बभूथ ॥ आभिष्टे । ते अद्य ।  
अद्य गीर्भिः । गीर्भिर् गृणन्तः । गृणन्तोऽग्ने । अग्ने दाशेम ।  
दाशेमेति दाशेम ॥ प्र ते । ते दिवः । दिवो न । न स्तनयन्ति ।  
स्तनयन्ति शुष्माः । शुष्मा इति शुष्माः ॥ एभिर् नः । नो अर्कैः ।  
अर्कैर् भव । भवा नः । नो अर्वाङ् । अर्वाङ्ख् सुवः । 16 (50/51)

**T.S.4.4.4.8 - Kramam**

सुवर् न । न ज्योतिः । ज्योतिरिति ज्योतिः ॥ अग्ने विश्वेभिः ।  
विश्वेभिः सुमनाः । सुमना अनीकैः । सुमना इति सु – मनाः ।  
अनीकैरित्यनीकैः ॥ अग्निं होतारम् । होतारम् मन्ये । मन्ये  
दास्वन्तम् । दास्वन्तं वसोः । वसोः सूनुम् । सूनुं सहसः ।  
सहसो जातवेदसम् । जातवेदसमिति जात – वेदसम् ॥  
विप्रम् न । न जातवेदसम् । जातवेदसमिति जात – वेदसम् ॥  
य ऊर्ध्वया । ऊर्ध्वया स्वर्ध्वरः । स्वर्ध्वरो देवः । स्वर्ध्वर इति  
सु – अर्ध्वरः । देवो देवाच्या । देवाच्या कृपा । कृपेति कृपा ॥  
घृतस्य विभ्राष्टिम् । विभ्राष्टिमनु । विभ्राष्टिमिति वि – भ्राष्टिम् ।

अनु शुक्रशोचिषः । शुक्रशोचिष आजुह्वानस्य ।  
 शुक्रशोचिष इति शुक्र - शोचिषः । आजुह्वानस्य सर्पिषः ।  
 आजुह्वानस्येत्या - जुह्वानस्य । सर्पिष इति सर्पिषः ॥ अग्ने त्वम् ।  
 त्वम् नः । नो अन्तमः । अन्तम इत्यन्तमः ॥ उत त्राता ।  
 त्राता शिवः । शिवो भव । भव वरूथ्यः । वरूथ्य इति वरूथ्यः ॥  
 तम् त्वा ॥ त्वा शोचिष्ठ । शोचिष्ठ दीदिवः । दीदिव इति दीदिवः ॥  
 सुम्नाय नूनम् । नूनमीमहे । ईमहे सखिभ्यः । सखिभ्य इति  
 सखि - भ्यः ॥ वसुरग्निः । अग्निर् वसुश्रवाः ( ) । वसुश्रवा इति  
 वसु - श्रवाः ॥ अच्छा नक्षि । नक्षि द्युमत्तमः । द्युमत्तमो रयिम् ।  
 द्युमत्तम इति द्युमत्-तमः । रयिम् दाः । दा इति दाः ॥ 17 (55/61)  
 (जनाना - मङ्गिरस - इष - सुशमी - तिग्मजंभ - पुपूर्या -  
 अर्वाङ् - वसुश्रवाः - पञ्च च) (A4)

**T.S.4.4.5.1 - Kramam**

इन्द्राग्निभ्याम् त्वा ॥ इन्द्राग्निभ्यामितीन्द्राग्नि-भ्याम् । त्वा सयुजा ॥  
 सयुजा युजा । सयुजेति स - युजा ॥ युजा युनज्मि ।



चतुर्थ काण्डे – चतुर्थः प्रश्नः – (TS 4.4)

यु॒न॒ज्म्या॒घा॒राभ्या॑म् । आ॒घा॒राभ्या॑म् ते॒जसा॑ ।  
 आ॒घा॒राभ्या॑मित्या॒ – घा॒राभ्या॑म् । ते॒जसा॑ वर्च॒सा । वर्च॑सो॒क्थेभिः॑ ।  
 उ॒क्थेभिः॑ स्तो॒मैभिः॑ । स्तो॒मैभिश्छ॑न्दो॒भिः । छ॒न्दो॒भी र॒य्यै ।  
 छ॒न्दो॒भिरिति॑ छ॒न्दः – भिः॑ । र॒य्यै पो॑षाय । पो॑षाय स॒जा॒ताना॑म् ।  
 स॒जा॒ताना॑म् म॒द्ध्यम॑स्थेयाय । स॒जा॒ताना॑मिति॑ स – जा॒ताना॑म् ।  
 म॒द्ध्यम॑स्थेयाय॒ मया॑ । म॒द्ध्यम॑स्थेयायेति॑ म॒द्ध्यम॑ – स्थेया॑य ।  
 मया॑ त्वा । त्वा स॒युजा॑ । स॒युजा॑ यु॒जा । स॒युजेति॑ स – यु॒जा ।  
 यु॒जा यु॒न॒ज्मि । यु॒न॒ज्म्य॒म्बा । अ॒म्बा दु॒ला । दु॒ला नि॒त॒न्निः ।  
 नि॒त॒न्निर॑भ्रयन्ती । नि॒त॒न्निरिति॑ नि – त॒न्निः । अ॒भ्रय॑न्ती मे॒घय॑न्ती ।  
 मे॒घय॑न्ती व॒र्षय॑न्ती । व॒र्षय॑न्ती चु॒पु॒णीका॑ । चु॒पु॒णीका॑ नाम॑ ।  
 नामा॑सि । अ॒सि प्र॒जाप॑तिना । प्र॒जाप॑तिना त्वा । प्र॒जाप॑तिनेति॑  
 प्र॒जा – प॑तिना । त्वा वि॒श्वाभिः॑ । वि॒श्वाभिर् धी॑भिः । धी॒भिरु॑प ।  
 उ॒प द॑धामि । द॒धामि॑ पृथि॒वी । पृथि॒व्युद॑पुरम् । उ॒द॒पुर॑मन्नेन ।  
 उ॒द॒पुर॑मित्यु॒द – पु॒रम् । अ॒न्नेन॑ वि॒ष्टा । वि॒ष्टा म॒नुष्याः॑ । म॒नुष्या॑स्ते ।  
 ते गो॒प्तारः॑ । गो॒प्तारो॑ऽग्निः । अ॒ग्निर् विय॑त्तः । विय॑त्तोऽस्याम् ।

विय॑त्त॒ इति॑ वि - य॒त्तः॑ । अ॒स्याम्॑ ता॒म् । ता॒म॒हम्॑ । अ॒हम्॑ प्र ।  
प्र प॑द्ये । प॒द्ये सा॑ ( ) । सा॒ मे॑ ॥ 18 (50/61)

**T.S.4.4.5.2 - Kramam**

मे॒ श॒र्म॑ । श॒र्म॑ च॒ । च॒ वर्म॑ । वर्म॑ च॒ । चा॒स्तु॑ । अ॒स्त्वधि॑द्यौः ।  
अधि॑द्यौर॒न्तरि॑क्षम् । अधि॑द्यौरि॒त्यधि॑ - द्यौः॑ । अ॒न्तरि॑क्षम् ब्र॒ह्मणा॑ ।  
ब्र॒ह्मणा॑ वि॒ष्टा । वि॒ष्टा म॒रुतः॑ । म॒रुत॑स्ते । ते॒ गो॒प्तारः॑ । गो॒प्तारो॑  
वा॒युः । वा॒युर् विय॑त्तः । विय॑त्तोऽस्याम् । विय॑त्त॒ इति॑ वि - य॒त्तः॑ ।  
अ॒स्याम्॑ ता॒म् । ता॒म॒हम्॑ । अ॒हम्॑ प्र । प्र प॑द्ये । प॒द्ये सा॑ । सा॒ मे॑ ॥  
मे॒ श॒र्म॑ । श॒र्म॑ च॒ । च॒ वर्म॑ । वर्म॑ च॒ । चा॒स्तु॑ । अ॒स्तु॑ द्यौः ।  
द्यौर॑पराजिता । अ॒परा॑जिताऽमृ॒तेन॑ । अ॒परा॑जिते॒त्यपरा॑ - जि॒ता ।  
अ॒मृते॑न वि॒ष्टा । वि॒ष्टाऽऽदि॒त्याः॑ । आ॒दि॒त्यास्ते॑ ॥ ते॒ गो॒प्तारः॑ । गो॒प्तारः॑  
सूर्यः॑ । सूर्यो॑ विय॑त्तः । विय॑त्तोऽस्याम् । विय॑त्त॒ इति॑ वि - य॒त्तः॑ ।  
अ॒स्याम्॑ ता॒म् । ता॒म॒हम्॑ । अ॒हम्॑ प्र । प्र प॑द्ये । प॒द्ये सा॑ । सा॒ मे॑ ॥  
मे॒ श॒र्म॑ । श॒र्म॑ च॒ । च॒ वर्म॑ । वर्म॑ च॒ । चा॒स्तु॑ ।  
अ॒स्त्वित्य॑स्तु ॥ 19 (48/52)

(सा - ष्टाच॑त्वारि॒ंशच्च॑) (A5)

चतुर्थ काण्डे – चतुर्थः प्रश्नः – (TS 4.4)

**T.S.4.4.6.1 - Kramam**

बृ॒ह॒स्प॒ति॒स्त्वा॑ । त्वा॒ सा॒द॒य॒तु॑ । सा॒द॒य॒तु॑ पृ॒थि॒व्याः॑ । पृ॒थि॒व्याः॑ पृ॒ष्ठे॑ ।  
पृ॒ष्ठे॑ ज्यो॒ति॒ष्म॒तीम्॑ । ज्यो॒ति॒ष्म॒तीम्॑ वि॒श्व॒स्मै॑ । वि॒श्व॒स्मै॑ प्रा॒णाय॑ ।  
प्रा॒णाय॑पा॒नाय॑ । प्रा॒णाये॑ति प्र – अ॒नाय॑ । अ॒पा॒नाय॑ वि॒श्वम्॑ ॥  
अ॒पा॒नाये॑त्यप-अ॒नाय॑ । वि॒श्वं॑ ज्यो॒तिः॑ । ज्यो॒तिर् य॑च्छ । य॒च्छा॒ग्निः॑ ।  
अ॒ग्नि॒स्ते॑ ॥ तेऽधि॑पतिः । अधि॑पतिर् वि॒श्व॒कर्मा॑ ।  
अधि॑पतिरि॒त्यधि॑ – प॒तिः॑ । वि॒श्व॒कर्मा॑ त्वा । वि॒श्व॒कर्मे॑ति  
वि॒श्व – क॒र्मा॑ । त्वा॒ सा॒द॒य॒तु॑ । सा॒द॒य॒त्वन्त॑रि॒क्षस्य॑ । अ॒न्त॑रि॒क्षस्य॑  
पृ॒ष्ठे॑ । पृ॒ष्ठे॑ ज्यो॒ति॒ष्म॒तीम्॑ । ज्यो॒ति॒ष्म॒तीम्॑ वि॒श्व॒स्मै॑ । वि॒श्व॒स्मै॑  
प्रा॒णाय॑ । प्रा॒णाय॑पा॒नाय॑ । प्रा॒णाये॑ति प्र-अ॒नाय॑ । अ॒पा॒नाय॑ वि॒श्वम्॑ ॥  
अ॒पा॒नाये॑त्यप – अ॒नाय॑ । वि॒श्वम्॑ ज्यो॒तिः॑ । ज्यो॒तिर् य॑च्छ ।  
य॒च्छ वा॒युः॑ । वा॒यु॒स्ते॑ ॥ तेऽधि॑पतिः । अधि॑पतिः प्र॒जाप॑तिः ।  
अधि॑पतिरि॒त्यधि॑ – प॒तिः॑ । प्र॒जाप॑तिस्त्वा । प्र॒जाप॑तिरि॒ति  
प्र॒जा – प॑तिः । त्वा॒ सा॒द॒य॒तु॑ । सा॒द॒य॒तु॑ दि॒वः॑ । दि॒वः॑ पृ॒ष्ठे॑ ।  
पृ॒ष्ठे॑ ज्यो॒ति॒ष्म॒तीम्॑ । ज्यो॒ति॒ष्म॒तीम्॑ वि॒श्व॒स्मै॑ । वि॒श्व॒स्मै॑ प्रा॒णाय॑ ।  
प्रा॒णाय॑पा॒नाय॑ । प्रा॒णाये॑ति प्र – अ॒नाय॑ । अ॒पा॒नाय॑ वि॒श्वम्॑ ॥

अ॒पा॒ना॒ये॒त्य॒प – अ॒ना॒य॑ । वि॒श्व॒म् ज्यो॒तिः॑ । ज्यो॒तिर् य॒च्छ॑ । य॒च्छ॑  
पर॒मे॒ष्ठी॑ । पर॒मे॒ष्ठी॑ ते॑ ॥ तेऽधि॑पतिः । अधि॑पतिः पु॒रो॒वा॒त॒स॒निः॑ ।

अधि॑पतिरि॒त्यधि॑ – प॒तिः॑ । पु॒रो॒वा॒त॒स॒नि॒र॒सि॑ ।

पु॒रो॒वा॒त॒स॒नि॒रि॒ति॑ पु॒रो॒वा॒त – स॒निः॑ । अ॒स्य॑भ्रस॒निः॑ । अ॒भ्र॒स॒नि॒र॒सि॑ ।

अ॒भ्र॒स॒नि॒रि॒त्य॒भ्र – स॒निः॑ । अ॒सि॑ वि॒द्यु॒त्स॒निः॑ । वि॒द्यु॒त्स॒नि॒र॒सि॑ ।

वि॒द्यु॒त्स॒नि॒रि॒ति॑ वि॒द्यु॒त् – स॒निः॑ । 20 (50/64)

**T.S.4.4.6.2 - Kramam**

अ॒सि॑ स्त॒न॒यि॒त्स॒निः॑ । स्त॒न॒यि॒त्स॒नि॒र॒सि॑ । स्त॒न॒यि॒त्स॒नि॒रि॒ति॑

स्त॒न॒यि॒त्स॒निः॑ । अ॒सि॑ वृ॒ष्टि॒स॒निः॑ । वृ॒ष्टि॒स॒नि॒र॒सि॑ । वृ॒ष्टि॒स॒नि॒रि॒ति॑

वृ॒ष्टि॒स॒निः॑ । अ॒स्य॑ग्नेः । अ॒ग्ने॒र् या॒नी॑ ॥ या॒न्य॑सि । अ॒सि॑ दे॒वा॒ना॒म् ॥

दे॒वा॒ना॒म॒ग्ने॒या॒नी॑ ॥ अ॒ग्ने॒या॒न्य॑सि । अ॒ग्ने॒या॒नी॒त्य॒ग्ने – या॒नी॑ ।

अ॒सि॑ वा॒योः॑ । वा॒यो॒र् या॒नी॑ ॥ या॒न्य॑सि । अ॒सि॑ दे॒वा॒ना॒म् ॥

दे॒वा॒नां॑ वा॒यो॒या॒नी॑ ॥ वा॒यो॒या॒न्य॑सि । वा॒यो॒या॒नी॒ति॑ वा॒यो – या॒नी॑ ।

अ॒स्य॑न्त॒रि॒क्ष॒स्य॑ । अ॒न्त॒रि॒क्ष॒स्य॑ या॒नी॑ ॥ या॒न्य॑सि । अ॒सि॑ दे॒वा॒ना॒म् ॥

दे॒वा॒ना॒म॒न्त॒रि॒क्ष॒या॒नी॑ ॥ अ॒न्त॒रि॒क्ष॒या॒न्य॑सि ।

चतुर्थ काण्डे – चतुर्थः प्रश्नः – (TS 4.4)

अ॒न्तरि॑क्ष॒यानी॑त्यन्तरि॒क्ष – यानी॑ । अ॒स्य॒न्तरि॑क्षम् । अ॒न्तरि॑क्षमसि ।  
 अ॒स्य॒न्तरि॑क्षाय । अ॒न्तरि॑क्षाय त्वा । त्वा स॒लि॒लाय॑ । स॒लि॒लाय॑ त्वा ।  
 त्वा स॒र्णी॑काय । स॒र्णी॑काय त्वा । त्वा स॒ती॑काय । स॒ती॑काय त्वा ।  
 स॒ती॑कायेति स॒ती॑काय । त्वा के॒ताय॑ । के॒ताय॑ त्वा । त्वा प्र॒चे॒त॒से ।  
 प्र॒चे॒त॒से त्वा । प्र॒चे॒त॒स इति॑ प्र – चे॒त॒से । त्वा वि॒व॒स्व॒ते । वि॒व॒स्व॒ते  
 त्वा । त्वा दि॒वः । दि॒व॒स्त्वा॑ । त्वा ज्यो॒ति॒षे । ज्यो॒ति॒ष आ॒दि॒त्येभ्यः॑ ।  
 आ॒दि॒त्येभ्य॑स्त्वा । त्व॒र्चे॑ । ऋ॒चे॒ त्वा॑ । त्वा रु॒चे॑ । रु॒चे॒ त्वा॑ ।  
 त्वा द्यु॒ते॑ । द्यु॒ते॑ त्वा ( ) । त्वा भा॒से॑ । भा॒से॑ त्वा॑ । त्वा ज्यो॒ति॒षे ।  
 ज्यो॒ति॒षे त्वा॑ । त्वा य॒शो॒दाम्॑ । य॒शो॒दाम्॑ त्वा॑ । य॒शो॒दा॒मि॒ति॑  
 य॒शः – दाम्॑ । त्वा य॒श॒सि॑ । य॒श॒सि॑ ते॒जो॒दाम्॑ । ते॒जो॒दां॑ त्वा॑ ।  
 ते॒जो॒दा॒मि॒ति॑ ते॒जः – दाम्॑ । त्वा ते॒ज॒सि॑ । ते॒ज॒सि॑ प॒यो॒दाम्॑ ।  
 प॒यो॒दाम्॑ त्वा॑ । प॒यो॒दा॒मि॒ति॑ प॒यः – दाम्॑ । त्वा प॒य॒सि॑ । प॒य॒सि॑  
 व॒र्चो॒दाम्॑ । व॒र्चो॒दाम्॑ त्वा॑ । व॒र्चो॒दा॒मि॒ति॑ व॒र्चः – दाम्॑ । त्वा व॒र्च॒सि॑ ।  
 व॒र्च॒सि॑ द्र॒वि॒णो॒दाम्॑ । द्र॒वि॒णो॒दाम्॑ त्वा॑ । द्र॒वि॒णो॒दा॒मि॒ति॑ द्र॒वि॒णः-दाम्॑ ।  
 त्वा द्र॒वि॒णे॑ । द्र॒वि॒णे॑ सा॒द॒या॒मि॑ । सा॒द॒या॒मि॑ ते॒न॑ । ते॒न॑ र्षि॒णा॑ ।

ऋषिणा तेन । तेन ब्रह्मणा । ब्रह्मणा तया । तया देवतया ।  
 देवतयाऽङ्गिरस्वत् । अङ्गिरस्वद् ध्रुवा । ध्रुवा सीद ।  
 सीदेति सीद ॥ 21 (79/91)

(विद्युत्सनि - द्युते त्वै - कान्नात्रिंशच्च) (A6)

**T.S.4.4.7.1 - Kramam**

भूयस्कृदसि । भूयस्कृदिति भूयः - कृत् । असि वरिवस्कृत् ।  
 वरिवस्कृदसि । वरिवस्कृदिति वरिवः - कृत् । असि प्राची ।  
 प्राच्यसि । अस्यूर्ध्वा । ऊर्ध्वाऽसि । अस्यन्तरिक्षसत् ।  
 अन्तरिक्षसदसि । अन्तरिक्षसदित्यन्तरिक्ष - सत् । अस्यन्तरिक्षे ।  
 अन्तरिक्षे सीद । सीदाफ्सुषत् । अफ्सुषदसि ।  
 अफ्सुषदित्यफ्सु - सत् । असि श्येनसत् । श्येनसदसि ।  
 श्येनसदिति श्येन - सत् । असि गृद्ध्रसत् । गृद्ध्रसदसि ।  
 गृद्ध्रसदिति गृद्ध्र - सत् । असि सुपर्णसत् । सुपर्णसदसि ।  
 सुपर्णसदिति सुपर्ण - सत् । असि नाकसत् । नाकसदसि ।  
 नाकसदिति नाक - सत् । असि पृथिव्याः । पृथिव्यास्त्वा ।  
 त्वा द्रविणे । द्रविणे सादयामि । सादयाम्यन्तरिक्षस्य ।

चतुर्थ काण्डे – चतुर्थः प्रश्नः – (TS 4.4)

अ॒न्तरि॑क्षस्य॒ त्वा । त्वा॒ द्र॒विणे॑ । द्र॒विणे॑ सा॒दयामि॑ । सा॒दयामि॑ दि॒वः ।  
दि॒वस्त्वा॑ ॥ त्वा॒ द्र॒विणे॑ । द्र॒विणे॑ सा॒दयामि॑ । सा॒दयामि॑ दि॒शाम् ।  
दि॒शाम् त्वा॑ ॥ त्वा॒ द्र॒विणे॑ । द्र॒विणे॑ सा॒दयामि॑ । सा॒दयामि॑ द्र॒विणो॒दाम् ।  
द्र॒विणो॒दाम् त्वा॑ ॥ द्र॒विणो॒दामि॑ति॒ द्र॒विणः-॑दाम् । त्वा॒ द्र॒विणे॑ ।  
द्र॒विणे॑ सा॒दयामि॑ । सा॒दयामि॑ प्रा॒णम् । प्रा॒णम् मे॑ ॥  
प्रा॒णमि॑ति॒ प्र - अन॑म् । मे॒ पा॒हि । पा॒ह्यपान॑म् । अ॒पान॑म् मे॑ ॥  
अ॒पान॑मित्य॒प - अन॑म् । मे॒ पा॒हि । पा॒हि व्या॒नम् । व्या॒नम् मे॑ ( ) ।  
व्या॒नमि॑ति॒ वि - अन॑म् । मे॒ पा॒हि । 22 (50/62)

**T.S.4.4.7.2 - Kramam**

पा॒ह्यायुः॑ । आ॒युर् मे॑ । मे॒ पा॒हि । पा॒हि वि॒श्वायुः॑ । वि॒श्वायुर् मे॑ ।  
वि॒श्वायु॑रिति॒ वि॒श्व-आ॒युः । मे॒ पा॒हि । पा॒हि स॒र्वायुः॑ । स॒र्वायुर् मे॑ ।  
स॒र्वायु॑रिति॒ स॒र्व-आ॒युः । मे॒ पा॒हि । पा॒ह्यग्ने॑ । अ॒ग्ने यत् । यत् ते॑ ॥  
ते पर॑म् ॥ पर॑ ह॒त् । ह॒न् नाम॑ । नाम॒ तौ । ता॒वा । ए॒हि ।  
इ॒हि स॒म् । स॒ र॒भाव॑है । र॒भाव॑है पाञ्च॑ज॒न्येषु॑ । पाञ्च॑ज॒न्येष्वपि॑ ।  
पाञ्च॑ज॒न्येष्विति॑ पाञ्च॑ - ज॒न्येषु॑ । अ॒प्येधि॑ । ए॒द्ध्यग्ने॑ ।  
अ॒ग्ने या॒वाः । या॒वा अ॒यावाः॑ । अ॒यावा॑ ए॒वाः । ए॒वा ऊ॒माः ।

ऊ॒माः स॒ब्दः । स॒ब्दः स॒गरः । स॒गरः सु॒मेकः ।

सु॒मेक॒ इति॑ सु - मे॒कः ॥ 23 (32/35)

(व्या॒नं मे - द्वा॒त्रिं॒शच्च) (A7)

**T.S.4.4.8.1 - Kramam**

अ॒ग्नि॒ना वि॒श्वा॒षाट् । वि॒श्वा॒षाट्त् सू॒र्येण॑ । सू॒र्येण॑ स्व॒राट् । स्व॒राट्  
 ॥  
 कृ॒त्वा । स्व॒राडि॑ति स्व - राट् । कृ॒त्वा श॒ची॒पतिः॑ । श॒ची॒पति॑र्.  
 ऋ॒षभे॑ण । ऋ॒षभे॑ण त्व॒ष्टा ॥ त्व॒ष्टा य॒ज्ञेन॑ । य॒ज्ञेन॑ म॒घवा॑न् । म॒घवा॑न्  
 दक्षि॑णया । म॒घवा॑नि॒ति म॒घ - वा॑न् । दक्षि॑णया सु॒वर्गः॑ । सु॒वर्गो  
 ॥  
 म॒न्यु॒ना । सु॒वर्ग॑ इति॑ सुवः-गः । म॒न्यु॒ना वृ॒त्रहा॑ । वृ॒त्रहा॑ सौहा॒र्धेन॑ ।  
 वृ॒त्रहे॑ति वृ॒त्र - हा॑ । सौहा॒र्धेन॑ त॒नूधाः॑ । त॒नूधा॑ अ॒न्नेन॑ । त॒नूधा॑ इति॑  
 त॒नू - धाः॑ । अ॒न्नेन॑ ग॒यः॑ । ग॒यः॑ पृथि॒व्या । पृथि॒व्याऽस॑नोत् ।  
 अ॒स॒नोदृ॑ग्भिः । ऋ॒ग्भि॒रन्ना॑दः । ऋ॒ग्भि॒रित्यृ॑क् - भिः ।  
 अ॒न्नादो॑ वषट्कारेण । अ॒न्नाद॑ इत्यन्न - अ॒दः । वषट्कारेण॑र्द्धः ।  
 वषट्कारेणे॑ति वषट् - कारेण॑ । ऋ॒द्धः॑ साम्ना॑ । साम्ना॑ त॒नूपाः॑ ।  
 त॒नूपा॑ वि॒राजा॑ । त॒नूपा॑ इति॑ त॒नू - पाः॑ । वि॒राजा॑ ज्योति॑ष्मान् ।  
 वि॒राजे॑ति वि - राजा॑ । ज्योति॑ष्मान् ब्रह्म॑णा । ब्रह्म॑णा सोम॑पाः ।



चतुर्थ काण्डे – चतुर्थः प्रश्नः – (TS 4.4)

सो॒मपा॑ गो॒भिः । सो॒मपा॑ इति सोम – पाः । गो॒भिर् य॒ज्ञम् ।  
य॒ज्ञम् दा॑धार । दा॒धार क्ष॒त्रेण॑ । क्ष॒त्रेण॑ मनु॒ष्यान् । मनु॒ष्यानश्चे॑न ।  
अश्चे॑न च । च रथे॑न । रथे॑न च । च व॒ज्री । व॒ज्र्यृ॒तुभिः॑ । ऋ॒तुभिः॑  
प्र॒भुः । ऋ॒तुभि॒रित्यृ॒तु – भिः॑ । प्र॒भुः सम्॑व॒त्सरे॑ण । प्र॒भुरिति॑  
प्र – भुः । सम्॑व॒त्सरे॑ण परि॒भूः । सम्॑व॒त्सरे॑णेति सं – व॒त्सरे॑ण ।  
परि॒भूस्तप॑सा । परि॒भूरिति॑ परि – भूः । तप॑साऽना॒धृष्टः॑ । अना॒धृष्टः॑  
सूर्यः॑ । अना॒धृष्ट इत्य॑ना – धृष्टः॑ । सूर्यः॑ सन् । सन् त॒नूभिः॑ ।  
त॒नूभि॒रिति॑ त॒नूभिः॑ ॥ 24 (49/65)

(अग्नि – रैकान्न पञ्चाशत्) (A8)

**T.S.4.4.9.1 - Kramam**

प्र॒जाप॑तिर् मनसा । प्र॒जाप॑तिरिति प्र॒जा – प॒तिः । मन॑साऽन्धः ।  
अन्धोऽच्छे॑तः । अच्छे॑तो धा॒ता । अच्छे॑त इत्यच्छ – इतः॑ ।  
धा॒ता दी॒क्षायाम्॑ । दी॒क्षायाम् स॒विता॑ । स॒विता भृ॒त्याम् ।  
भृ॒त्याम् पू॒षा । पू॒षा सो॒मक्र॑यण्याम् । सो॒मक्र॑यण्यां व॒रुणः॑ ।  
सो॒मक्र॑यण्यामिति सोम–क्र॑यण्याम् । व॒रुण॑ उप॒नद्धः॑ । उप॒नद्धोऽसुरः॑ ।  
उप॒नद्ध इत्यु॑प – नद्धः॑ । असुरः॑ क्री॒यमाणः॑ । क्री॒यमाणो॑ मि॒त्रः ।

मि॒त्रः क्री॒तः । क्री॒तः शि॒पिवि॒ष्टः । शि॒पिवि॒ष्ट आ॒सादि॒तः ।  
 शि॒पिवि॒ष्ट इति॑ शि॒पि – वि॒ष्टः । आ॒सादि॒तो न॒रन्धि॑षः । आ॒सादि॒त  
 इत्या – सा॒दि॒तः । न॒रन्धि॑षः प्रो॒ह्यमा॑णः । प्रो॒ह्यमा॑णोऽधि॒पतिः॑ ।  
 प्रो॒ह्यमा॑ण इति॑ प्र – उ॒ह्यमा॑नः । अधि॒पति॑रा॒गतः॑ ।  
 अधि॒पति॑रि॒त्यधि॑ – पतिः॑ । आ॒गतः प्र॒जाप॑तिः । आ॒गत इत्या॑-ग॒तः ।  
 प्र॒जाप॑तिः प्र॒णीय॑मानः । प्र॒जाप॑तिरिति॑ प्र॒जा – पतिः॑ ।  
 प्र॒णीय॑मानोऽग्निः॑ । प्र॒णीय॑मान इति॑ प्र – नी॒यमा॑नः । अ॒ग्निरा॒ग्नी॑द्धे ॥  
 आ॒ग्नी॑द्धे बृ॒हस्प॑तिः । आ॒ग्नी॑द्ध इत्या॒ग्नि – इ॒द्धे ।  
 बृ॒हस्प॑तिरा॒ग्नी॑द्धात् । आ॒ग्नी॑द्धात् प्र॒णीय॑मानः ।  
 आ॒ग्नी॑द्धादि॒त्याग्नि॑ – इ॒द्धात् । प्र॒णीय॑मान इन्द्रः॑ । प्र॒णीय॑मान इति॑  
 प्र – नी॒यमा॑नः । इन्द्रो॑ ह॒विर्द्धाने॑ ॥ ह॒विर्द्धाने॑ऽदि॒तिः । ह॒विर्द्धान इति॑  
 ह॒विः – धाने॑ ॥ अ॒दि॒तिरा॒सादि॑तः । आ॒सादि॒तो वि॒ष्णुः॑ । आ॒सादि॒त  
 इत्या – सा॒दि॒तः । वि॒ष्णु॑रु॒पाव॑ह्यि॒यमा॑णः । उ॒पाव॑ह्यि॒यमा॑णोऽथ॒र्वा ।  
 उ॒पाव॑ह्यि॒यमा॑ण इत्यु॒प-अ॒व॑ह्यि॒यमा॑णः । अथ॒र्वोपो॑त्तः ॥ उ॒पोत्तो॑ य॒मः ।  
 उ॒पोत्त इत्यु॒प – उ॒त्तः॑ । य॒मोऽभि॑षु॒तः । अ॒भिषु॑तोऽपू॒तपाः॑ ।

चतुर्थ काण्डे – चतुर्थः प्रश्नः – (TS 4.4)

अ॒भिषु॒त इत्य॒भि – सु॒तः । अ॒पू॒तपा आ॒धू॒यमा॒नः । अ॒पू॒तपा  
 इत्य॒पू॒त – पाः । आ॒धू॒यमा॒नो वा॒युः । आ॒धू॒यमा॒न इत्या – धू॒यमा॒नः ।  
 वा॒युः पू॒यमा॒नः । पू॒यमा॒नो मि॒त्रः । मि॒त्रः क्षी॒रश्रीः । क्षी॒रश्री॑र् म॒न्थी ।  
 क्षी॒रश्री॑रिति क्षी॒र – श्रीः । म॒न्थी स॒क्तुश्रीः । स॒क्तुश्री॑र् वै॒श्वदे॒वः ।  
 स॒क्तुश्री॑रिति स॒क्तु – श्रीः । वै॒श्वदे॒व उ॒न्नीतः । वै॒श्वदे॒व इति  
 वै॒श्व – दे॒वः । उ॒न्नीतो रु॒द्रः ( ) । उ॒न्नीत इत्यु॒त् – नी॒तः ।  
 रु॒द्र आ॒हुतः । आ॒हुतो वा॒युः । आ॒हुत इत्या – हु॒तः । वा॒युरा॒वृत्तः ।  
 आ॒वृत्तो नृ॒चक्षाः॑ । आ॒वृत्त इत्या – वृ॒त्तः । नृ॒चक्षाः प्र॒तिख्या॑तः ।  
 नृ॒चक्षा इति नृ – चक्षाः॑ । प्र॒तिख्या॑तो भ॒क्षः । प्र॒तिख्या॑त इति  
 प्र॒ति – ख्या॑तः । भ॒क्ष आ॒गतः । आ॒गतः पि॒तृणा॑म् ।  
 आ॒गत इत्या – ग॒तः । पि॒तृणा॑म् ना॒राश॑सुः ।  
 ना॒राश॑सुः । अ॒सुरा॑त्तः । आ॒त्तः सि॒न्धुः । सि॒न्धुर॑वभृ॒थम् ।  
 अ॒वभृ॑थमव॒प्रय॑न् । अ॒वभृ॑थमित्य॒व – भृ॑थम् । अ॒वप्र॑यन्थ् स॒मुद्रः॑ ।  
 अ॒वप्र॑यन्थित्य॒व – प्र॑यन् । स॒मुद्रो॑ऽव॒गतः । अ॒वगतः स॒लिलः॑ ।  
 अ॒वगत इत्य॒व – ग॒तः । स॒लिलः॑ प्र॒प्लुतः॑ । प्र॒प्लुतः॑ सु॒वः ।

प्र॒प्लु॒त इति॑ प्र - प्लु॒तः । सु॒वरु॒द्र॒चम् । उ॒द्र॒चम् ग॒तः ।

उ॒द्र॒च॒मित्यु॑त् - ऋ॒चम् । ग॒त इति॑ ग॒तः ॥ 25 (71/106)

(रु॒द्र - ए॒कविं॑शतिश्च) (A9)

**T.S.4.4.10.1 - Kramam**

कृ॒त्तिका॑ नक्ष॒त्रम् । नक्ष॒त्रम॒ग्निः । अ॒ग्निर् दे॒वता॑ । दे॒वता॒ऽग्नेः । अ॒ग्ने

रु॒चः । रु॒चः स्थ । स्थ प्र॒जाप॑तेः । प्र॒जाप॑तेर् धा॒तुः । प्र॒जाप॑तेरिति॑

प्र॒जा - प॑तेः । धा॒तुः सोम॑स्य । सोम॑स्यर्चे । ऋ॒चे त्वा॑ । त्वा॒ रु॒चे ।

रु॒चे त्वा॑ । त्वा॒ द्यु॒ते । द्यु॒ते त्वा॑ । त्वा॒ भा॒से । भा॒से त्वा॑ ।

त्वा॒ ज्यो॑तिषे । ज्यो॑तिषे त्वा । त्वा॒ रो॒हिणी॑ । रो॒हिणी॑ नक्ष॒त्रम् ।

नक्ष॒त्रम् प्र॒जाप॑तिः । प्र॒जाप॑तिर् दे॒वता॑ । प्र॒जाप॑तिरिति॑ प्र॒जा-प॑तिः ।

दे॒वता॑ मृ॒गशी॑र्षम् । मृ॒गशी॑र्षम् नक्ष॒त्रम् । मृ॒गशी॑र्षमिति॑

मृ॒ग - शी॑र्षम् । नक्ष॒त्रं सोमः॑ । सोमो॑ दे॒वता॑ । दे॒वता॒ऽर्द्रा॑ ।

आ॒र्द्रा नक्ष॒त्रम् । नक्ष॒त्रं रु॒द्रः । रु॒द्रो दे॒वता॑ । दे॒वता॑ पु॒नर्व॑सू ।

पु॒नर्व॑सू नक्ष॒त्रम् । पु॒नर्व॑सू इति॑ पु॒नः - व॒सू । नक्ष॒त्रम॑दितिः ।

अ॑दि॒तिर् दे॒वता॑ । दे॒वता॑ ति॒ष्यः । ति॒ष्यो नक्ष॒त्रम् । नक्ष॒त्रम्

बृ॒हस्प॑तिः । बृ॒हस्प॑तिर् दे॒वता॑ । दे॒वता॒ऽऽश्रे॑षाः । आ॒श्रे॑षा नक्ष॒त्रम् ।

चतुर्थ काण्डे – चतुर्थः प्रश्नः – (TS 4.4)

आ॒श्रे॒षा इ॒त्या – श्रे॒षाः । नक्ष॑त्रं॒ सर्पाः॑ । सर्पा॑ दे॒वता॑ ॥  
दे॒वता॑ म॒घाः । म॒घा नक्ष॑त्रम् । नक्ष॑त्रम् पि॒तरः॑ । पि॒तरो॑ दे॒वता॑ ॥  
दे॒वता॑ फ॒ल्गु॑नी ( ) । फ॒ल्गु॑नी नक्ष॑त्रम् । फ॒ल्गु॑नी इति॒ फ॒ल्गु॑नी ।  
नक्ष॑त्रम॒र्यमा॑ । 26 (50/56)

**T.S.4.4.10.2 - Kramam**

अ॒र्य॒मा दे॒वता॑ । दे॒वता॑ फ॒ल्गु॑नी । फ॒ल्गु॑नी नक्ष॑त्रम् । फ॒ल्गु॑नी इति॒  
फ॒ल्गु॑नी । नक्ष॑त्रम् भ॒गः । भ॒गो दे॒वता॑ । दे॒वता॑ ह॒स्तः ।  
ह॒स्तो नक्ष॑त्रम् । नक्ष॑त्रं स॒विता॑ । स॒विता॑ दे॒वता॑ । दे॒वता॑ चि॒त्रा ।  
चि॒त्रा नक्ष॑त्रम् । नक्ष॑त्रमिन्द्रः॑ । इन्द्रो॑ दे॒वता॑ । दे॒वता॑ स्वा॒ती ।  
स्वा॒ती नक्ष॑त्रम् । नक्ष॑त्रम् वा॒युः । वा॒युर् दे॒वता॑ । दे॒वता॑ वि॒शाखे॑ ।  
वि॒शाखे॑ नक्ष॑त्रम् । वि॒शाखे॑ इति॒ वि – शा॒खे । नक्ष॑त्रमिन्द्रा॒ग्नी ।  
इन्द्रा॒ग्नी दे॒वता॑ । इन्द्रा॒ग्नी इतीन्द्र॑ – अ॒ग्नी । दे॒वता॑ऽनू॒राधाः॑ ।  
अ॒नू॒राधा॑ नक्ष॑त्रम् । अ॒नू॒राधा॑ इत्यनु॑ – रा॒धाः । नक्ष॑त्रम् मि॒त्रः ।  
मि॒त्रो दे॒वता॑ । दे॒वता॑ रोहि॒णी । रोहि॒णी नक्ष॑त्रम् । नक्ष॑त्रमिन्द्रः॑ । इन्द्रो॑  
दे॒वता॑ । दे॒वता॑ वि॒चृतौ॑ । वि॒चृतौ॑ नक्ष॑त्रम् । वि॒चृता॑विति॒ वि – चृ॒तौ ।  
नक्ष॑त्रम् पि॒तरः॑ । पि॒तरो॑ दे॒वता॑ । दे॒वता॑ऽषा॒ढाः । अ॒षा॒ढा नक्ष॑त्रम् ।

नक्षत्रमापः । आपो देवता । देवताऽषाढाः । अषाढा नक्षत्रम् ।  
 नक्षत्रं विश्वे ॥ विश्वे देवाः । देवा देवता ॥ देवता श्रोणा ।  
 श्रोणा नक्षत्रम् । नक्षत्रं विष्णुः । विष्णुर् देवता ॥ देवता श्रविष्ठाः ।  
 श्रविष्ठा नक्षत्रम् । नक्षत्रं वसवः ( ) । वसवो देवता ॥ 27 (50/55)

**T.S.4.4.10.3 - Kramam**

देवता शतभिषक् । शतभिषङ् नक्षत्रम् । शतभिषगिति  
 शत - भिषक् । नक्षत्रमिन्द्रः । इन्द्रो देवता ॥ देवता प्रोष्ठपदाः ।  
 प्रोष्ठपदा नक्षत्रम् । प्रोष्ठपदा इति प्रोष्ठ - पदाः । नक्षत्रमजः ।  
 अज एकपात् । एकपाद् देवता ॥ एकपादित्येक - पात् ।  
 देवता प्रोष्ठपदाः । प्रोष्ठपदा नक्षत्रम् । प्रोष्ठपदा इति प्रोष्ठ - पदाः ।  
 नक्षत्रमहिः । अहिर् बुध्नियः । बुध्नियो देवता ॥ देवता रेवती ॥  
 रेवती नक्षत्रम् । नक्षत्रं पूषा । पूषा देवता ॥ देवताऽश्वयुजौ ।  
 अश्वयुजौ नक्षत्रम् । अश्वयुजावित्यश्व - युजौ ॥ नक्षत्रमश्विनौ ।  
 अश्विनौ देवता ॥ देवताऽपभरणीः । अपभरणीर् नक्षत्रम् ।  
 अपभरणीरित्यप - भरणीः । नक्षत्रं यमः । यमो देवता ॥  
 देवता पूर्णा । पूर्णा पश्चात् । पश्चाद् यत् । यत् ते ॥ ते देवाः ।

दे॒वा अ॒दधुः॑ । अ॒दधु॑रि॒त्यदधुः॑ ॥ 28 (33/39)

(फ॒ल्गु॑नी॒ नक्ष॑त्रं – वै॒सव॑ – स्त्र॒यस्त्रि॑श॒च्च) (A10)

**T.S.4.4.11.1 - Kramam**

मधु॑श्च । च॒ मा॒धवः॑ । मा॒धव॑श्च । च॒ वा॒सन्ति॑कौ । वा॒सन्ति॑का॒वृ॒तू ।  
 ऋ॒तू शु॒क्रः॑ । ऋ॒तू इ॒त्यृ॒तू । शु॒क्रश्च॑ । च॒ शु॒चिः॑ । शु॒चिश्च॑ ।  
 च॒ ग्रै॒ष्मौ॑ । ग्रै॒ष्मा॒वृ॒तू । ऋ॒तू न॒भः॑ । ऋ॒तू इ॒त्यृ॒तू । न॒भश्च॑ ।  
 च॒ न॒भस्यः॑ । न॒भस्य॑श्च । च॒ वा॒र्षि॑कौ । वा॒र्षिका॑वृ॒तू । ऋ॒तू इ॒षः॑ ।  
 ऋ॒तू इ॒त्यृ॒तू । इ॒षश्च॑ । चो॒र्जः॑ । ऊ॒र्जश्च॑ । च॒ शा॒रदौ॑ । शा॒रदा॑वृ॒तू ।  
 ऋ॒तू स॒हः॑ । ऋ॒तू इ॒त्यृ॒तू । स॒हश्च॑ । च॒ स॒हस्यः॑ । स॒हस्य॑श्च ।  
 च॒ है॒मन्ति॑कौ । है॒मन्ति॑का॒वृ॒तू । ऋ॒तू त॒पः॑ । ऋ॒तू इ॒त्यृ॒तू । त॒पश्च॑ ।  
 च॒ त॒पस्यः॑ । त॒पस्य॑श्च । च॒ शै॒शि॒रौ॑ । शै॒शि॒रा॑वृ॒तू । ऋ॒तू अ॒ग्नेः॑ ।  
 ऋ॒तू इ॒त्यृ॒तू । अ॒ग्ने॒रन्तः॑ऽ॒श्लेषः॑ । अ॒न्तः॑ऽ॒श्लेषो॑ऽ॒सि । अ॒न्तः॑ऽ॒श्लेष॑  
 इ॒त्यन्तः॑ – श्लेषः॑ । अ॒सि॑ क॒ल्पे॑ताम् । क॒ल्पे॑ताम् द्या॒वापृ॑थि॒वी ।  
 द्या॒वापृ॑थि॒वी क॒ल्पन्ता॑म् । द्या॒वापृ॑थि॒वी इति॑ द्या॒वा – पृ॑थि॒वी ।  
 क॒ल्पन्ता॑मापः॑ । आप॑ ओष॒धीः॑ । ओष॒धीः॑ क॒ल्पन्ता॑म् ।  
 क॒ल्पन्ता॑म॒ग्नयः॑ । अ॒ग्नयः॑ पृथक् । पृथ॒ङ् म॒म । म॒म ज्यै॑ष्ठ्याय ।

ज्यैष्ठ्याय॑ स॒व्रताः॑ । स॒व्रता॑ ये ।

स॒व्रता॑ इति॒ स – व्र॒ताः॑ । 29 (50/59)

**T.S.4.4.11.2 - Kramam**

ये॑ऽग्नयः॑ । अ॒ग्नयः॑ स॒मनसः॑ । स॒मनसो॑ऽन्तरा । स॒मनस॑ इति॒  
स – म॒नसः॑ । अ॒न्तरा॑ द्यावा॑पृथि॒वी । द्यावा॑पृथि॒वी शै॑शि॒रौ ।  
द्यावा॑पृथि॒वी इति॒ द्यावा॑ – पृथि॒वी । शै॑शि॒रावृ॒तू । ऋ॒तू अ॒भि ।  
ऋ॒तू इत्यृ॒तू । अ॒भि कल्प॑मानाः । कल्प॑माना॒ इन्द्र॑म् । इन्द्र॑मिव ।  
इ॒व दे॒वाः । दे॒वा अ॒भि । अ॒भि स॒म् । सं॑ वि॒शन्तु॑ ।

वि॒शन्तु॑ स॒म्यत् । स॒म्यच् च॑ । स॒म्यदिति॑ स॒म् – यत् ।

च॒ प्रचे॑ताः । प्रचे॑ताश्च । प्रचे॑ता इति॒ प्र – चे॒ताः । चा॒ग्नेः॑ । अ॒ग्नेः॑  
सोम॑स्य । सोम॑स्य॒ सूर्य॑स्य । सूर्य॑स्यो॒ग्रा । उ॒ग्रा च॑ । च॒ भी॒मा ।  
भी॒मा च॑ । च॒ पि॒तृणा॑म् । पि॒तृणां॑ य॒मस्य॑ । य॒मस्येन्द्र॑स्य । इन्द्र॑स्य  
ध्रु॒वा । ध्रु॒वा च॑ । च॒ पृथि॒वी । पृथि॒वी च॑ । च॒ दे॒वस्य॑ । दे॒वस्य॑  
सवि॒तुः । सवि॒तुर् म॒रुता॑म् । म॒रुता॑म् वरु॑णस्य । वरु॑णस्य॒ धर्त्री॑ ।  
धर्त्री॑ च॑ । च॒ धरि॑त्री । धरि॑त्री च॑ । च॒ मि॒त्रावरु॑णयोः ।  
मि॒त्रावरु॑णयोर् मि॒त्रस्य॑ । मि॒त्रावरु॑णयो॒रिति॑ मि॒त्रा – वरु॑णयोः ।



चतुर्थ काण्डे – चतुर्थः प्रश्नः – (TS 4.4)

मि॒त्रस्य॑ धा॒तुः । धा॒तुः प्रा॒ची॑ । प्रा॒ची च॑ । च॒ प्र॒तीची॑ । प्र॒तीची॑ च॑ ।  
च॒ वसू॑नाम् । वसू॑नाꣳ रु॒द्राणा॑म् । रु॒द्राणा॑मादि॒त्याना॑म् । 30 (50/56)

**T.S.4.4.11.3 - Kramam**

आदि॒त्याना॑म् ते । ते ते॑ । तेऽधि॑पतयः । अधि॑पतयस्तेभ्यः । अधि॑पतय॒  
इत्यधि॑ – पतयः । तेभ्यो॑ नमः । नमस्ते॑ । ते नः॑ । नो मृ॒डय॑न्तु ।  
मृ॒डय॑न्तु ते । ते यम् । यम् द्वि॒ष्मः । द्वि॒ष्मो यः॑ । यश्च॑ । च॒ नः॑ ।  
नो द्वेष्टि॑ । द्वेष्टि॑ तम् । तं वः॑ । वो जम्भे॑ । जम्भे॑ दधामि ।  
दधामि॑ सहस्रस्य । सहस्रस्य॑ प्र॒मा । प्र॒मा अ॑सि । प्र॒मेति॑ प्र – मा ।  
अ॒सि सहस्र॑स्य । सहस्रस्य॑ प्रति॒मा । प्रति॒मा अ॑सि । प्रति॒मेति॑  
प्रति – मा । अ॒सि सहस्र॑स्य । सहस्रस्य॑ वि॒मा । वि॒मा अ॑सि ।  
वि॒मेति॑ वि – मा । अ॒सि सहस्र॑स्य । सहस्रस्यो॑न्मा । उ॒न्मा अ॑सि ।  
उ॒न्मेत्यु॑त् – मा । अ॒सि सा॒हस्रः॑ । सा॒हस्रो॑ऽसि । अ॒सि सहस्रा॑य ।  
सहस्रा॑य त्वा । त्वे॒माः । इ॒मा मे॑ । मे अ॒ग्ने । अ॒ग्न इ॑ष्टकाः । इ॑ष्टका  
धे॒नवः॑ । धे॒नवः॑ सन्तु । स॒न्त्वेका॑ । ए॒का च॑ । च॒ श॒तम् । श॒तम् च॑ ।  
च॒ सहस्र॑म् । सहस्रम् च॑ । चा॒युत॑म् । अ॒युत॑म् च ( ) ।  
च॒ नियु॑तम् । 31 (50/55)

**T.S.4.4.11.4 - Kramam**

नि॒यु॒तम् च॑ । नि॒यु॒त॒मि॒ति॑ नि॒ - यु॒तम् । च॒ प्र॒यु॒तम् । प्र॒यु॒तम् च॑ ।  
 प्र॒यु॒त॒मि॒ति॑ प्र॒ - यु॒तम् । चा॒र्बु॒दम् । अ॒र्बु॒दम् च॑ । च॒ न्य॒र्बु॒दम् ।  
 न्य॒र्बु॒दम् च॑ । न्य॒र्बु॒द॒मि॒ति॑ नि॒ - अ॒र्बु॒दम् । च॒ स॒मु॒द्रः । स॒मु॒द्रश्च॑ ।  
 च॒ म॒द्ध्यम् । म॒द्ध्यम् च॑ । चा॒न्तः । अ॒न्तश्च॑ । च॒ प॒रा॒र्द्धः ।  
 प॒रा॒र्द्धश्च॑ । प॒रा॒र्द्ध इति॑ पर॒ - अ॒र्द्धः । चे॒माः । इ॒मा मे॑ । मे॒ अ॒ग्ने॑ ।  
 अ॒ग्ने॑ इ॒ष्टकाः॑ । इ॒ष्टका॑ धे॒नवः॑ । धे॒नवः॑ स॒न्तु । स॒न्तु॑ ष॒ष्टिः ।  
 ष॒ष्टिः स॒हस्र॑म् । स॒हस्र॑म॒यु॒तम् । अ॒यु॒त॒म॒क्षी॒यमा॑णाः । अ॒क्षी॒यमा॑णा  
 ऋ॒त॒स्थाः । ऋ॒त॒स्थाः स्थ॑ । ऋ॒त॒स्था इत्य॑त-स्थाः । स्थ॒र्ता॒वृ॒धः ।  
 ऋ॒ता॒वृ॒धो॑ घृ॒त॒श्रु॒तः । ऋ॒ता॒वृ॒ध इत्य॑त - वृ॒धः । घृ॒त॒श्रु॒तो॑ म॒धु॒श्रु॒तः ।  
 घृ॒त॒श्रु॒त इति॑ घृ॒त - श्रु॒तः । म॒धु॒श्रु॒त ऊ॒र्ज॑स्वतीः । म॒धु॒श्रु॒त इति॑  
 म॒धु - श्रु॒तः । ऊ॒र्ज॑स्वतीः स्व॒धा॒विनीः॑ । स्व॒धा॒विनी॑स्ताः ।  
 स्व॒धा॒विनी॑रिति॑ स्व॒धा - विनीः॑ । ता मे॑ । मे॒ अ॒ग्ने॑ । अ॒ग्ने॑ इ॒ष्टकाः॑ ।  
 इ॒ष्टका॑ धे॒नवः॑ । धे॒नवः॑ स॒न्तु । स॒न्तु॑ वि॒राजः॑ । वि॒राजो॑ नाम ।  
 वि॒राज इति॑ वि॒ - राजः॑ । नाम॑ का॒म॒दु॒घाः । का॒म॒दु॒घा अ॒मु॒त्र ।  
 का॒म॒दु॒घा इति॑ का॒म - दु॒घाः॑ । अ॒मु॒त्रा॒मु॒ष्मि॒न् । अ॒मु॒ष्मि॒न् लो॒के ।

लोक इति लोके ॥ 32 (45/56)

(स॒व॒ता – रु॒द्राणा॑ – म॒यु॒तञ्च॑ – पञ्च॑च॒त्वारि॑ञ्श॒च्च) (A11)

**T.S.4.4.12.1 - Kramam**

स॒मिद् दि॒शाम् । स॒मिदि॑ति॒ सम्-इत् । दि॒शामा॑शयाः॑ । आ॒शया॑ नः ।  
 नः सु॒व॒र्वित् । सु॒व॒र्विन् म॑धोः॑ । सु॒व॒र्विदि॑ति॒ सुवः-वित् । म॑धो॒रतः॑ ।  
 अतो॑ मा॒धवः॑ । मा॒धवः॑ पातु । पा॒त्वस्मान् । अ॒स्मानि॑त्य॒स्मान् ॥  
 अ॒ग्निर् दे॒वः । दे॒वो दु॒ष्टरी॑तुः । दु॒ष्टरी॑तु॒रदा॑भ्यः॑ । अ॒दाभ्य॑ इ॒दम् ।  
 इ॒दम् क्ष॒त्रम् । क्ष॒त्रञ् रक्ष॑तु । र॒क्षतु॑ पातु । पा॒त्वस्मान् ।  
 अ॒स्मानि॑त्य॒स्मान् ॥ र॒थन्त॑रञ् साम॒भिः । र॒थन्त॑रमि॒ति रथ॑म् – त॒रम् ।  
 साम॑भिः पातु । साम॑भि॒रिति॑ साम – भिः । पा॒त्वस्मान् । अ॒स्मान्  
 गा॒यत्री । गा॒यत्री छ॑न्द॒साम् । छ॑न्द॒सां वि॒श्वरू॑पा । वि॒श्वरू॑पेति॑  
 वि॒श्व – रू॒पा ॥ त्रि॒वृन् नः॑ । त्रि॒वृदि॑ति॒ त्रि – वृत् । नो॑ वि॒ष्टया॑ ॥  
 वि॒ष्टया॑ स्तोमः॑ । वि॒ष्टये॑ति॒ वि – स्थ॑या॑ । स्तोमो॑ अ॒हाम् । अ॒हाञ्  
 स॒मुद्रः॑ । स॒मुद्रो॑ वातः॑ । वात॑ इ॒दम् । इ॒दमो॑जः॑ । ओजः॑ पिप॒र्तु ।  
 पिप॒र्त्वि॑ति॒ पिप॒र्तु ॥ उ॒ग्रा दि॒शाम् । दि॒शाम॑भि॒भूतिः॑ ।  
 अ॒भिभू॑तिर् वयो॒धाः । अ॒भिभू॑ति॒रित्य॑भि – भू॒तिः । वयो॒धाः शु॒चिः ।

वयो॑धा इति॑ वयः - धाः । शुचिः॑ शु॒क्रे । शु॒क्रे अ॑हनि ।  
 अ॒हन्यो॑ज॒सीना॑ ॥ ओ॒ज॒सीने॑त्यो॒ज॒सीना॑ ॥ इन्द्रा॑धिपतिः । अधि॑पतिः  
 पिपृ॑तात् । अधि॑पतिरित्यधि - पतिः । पिपृ॑ता॒दतः॑ । अतो॑ नः ।  
 नो॑ महि । महि॑ क्ष॒त्रम् । 33 (50/59)

**T.S.4.4.12.2 - Kramam**

क्ष॒त्रं वि॒श्वतः॑ । वि॒श्वतो॑ धारय । धा॒रये॒दम् । इ॒दमि॒ती॒दम् ॥  
 बृ॒हथ् साम॑ । साम॑ क्ष॒त्रभृ॑त् । क्ष॒त्रभृ॑द् वृ॒द्धवृ॑ष्णियम् ।  
 क्ष॒त्रभृ॑दिति॑ क्ष॒त्र - भृ॑त् । वृ॒द्धवृ॑ष्णियम् त्रि॒ष्टुभा॑ । वृ॒द्धवृ॑ष्णियमि॒ति  
 वृ॒द्ध-वृ॑ष्णियम् । त्रि॒ष्टुभा॑जः । ओ॒जः शु॒भित॑म् । शु॒भित॑मु॒ग्रवी॑रम् ।  
 उ॒ग्रवी॑रमित्यु॒ग्र - वी॒रम् ॥ इन्द्र॑ स्तो॒मेन॑ । स्तो॒मेन॑ पञ्च॒दशे॑न ।  
 पञ्च॒दशे॑न म॒द्ध्यम् ॥ पञ्च॒दशे॑नेति॑ पञ्च - द॒शेन॑ । म॒द्ध्यमि॒दम् ।  
 इ॒दं वा॑तेन । वा॒तेन॑ स॒गरे॑ण । स॒गरे॑ण रक्ष । रक्षे॑ति रक्ष ॥  
 प्रा॒ची दि॒शाम् । दि॒शाँ स॒हय॑शाः । स॒हय॑शा यश॑स्वती । स॒हय॑शा  
 इति॑ स॒ह - य॒शाः । यश॑स्वती वि॒श्वे ॥ वि॒श्वे दे॒वाः । दे॒वाः प्रा॒वृषा॑ ॥  
 प्रा॒वृषा॑ऽह्नाम् । अ॒हाँ सु॒वर्व॑ती । सु॒वर्व॑तीति॑ सु॒वः - व॒ती ॥  
 इ॒दम् क्ष॒त्रम् । क्ष॒त्रम् दु॒ष्टर॑म् । दु॒ष्टर॑मस्तु । अ॒स्त्वो॒जः ।

चतुर्थ काण्डे – चतुर्थः प्रश्नः – (TS 4.4)

ओ॒जोऽना॑धृष्टम् । अना॑धृष्टं॒ सह॒स्रिय॑म् । अना॑धृष्ट॒मित्य॑ना – धृष्ट॒म् ।  
सह॒स्रिय॑ं सह॒स्वत् । सह॒स्वदि॑ति सह॒स्वत् ॥ वै॒रूपे॑ साम॒न् ।  
साम॒न्निह॑ । इ॒ह तत् । तच्छ॑केम । श॒केम॑ जगत्या । जग॑त्यैनम् ।  
ए॒नं वि॑क्षु । वि॒क्षा । आ वे॑शयामः । वे॒शया॑म इति वे॑शयामः ॥  
विश्वे॑ देवाः । दे॒वाः स॒प्तद॑शेन । स॒प्तद॑शेन॒ वर्चः॑ ।  
स॒प्तद॑शेनेति स॒प्त – द॑शेन । 34 (50/56)

**T.S.4.4.12.3 - Kramam**

वर्च॑ इ॒दम् । इ॒दम् क्ष॒त्रम् । क्ष॒त्रं स॑लिल॒वात॑म् । स॒लिल॑वा॒तमु॒ग्रम् ।  
स॒लिल॑वा॒तमि॑ति स॒लिल॑ – वा॒तम् । उ॒ग्रमि॑त्यु॒ग्रम् ॥ ध॒र्त्री दि॒शाम् ।  
दि॒शाम् क्ष॒त्रम् । क्ष॒त्रमि॑दम् । इ॒दम् दा॑धार । दा॒धारो॒पस्था॑ ।  
उ॒पस्था॑ऽऽशा॒नाम् । उ॒पस्थे॑त्यु॒प – स्था॑ । आशा॒नाम् मि॒त्रव॑त् ।  
मि॒त्रव॑दस्तु । मि॒त्रव॑दि॒ति मि॒त्र-व॑त् । अ॒स्त्वो॒जः । ओ॒ज इ॒त्यो॒जः ॥  
मि॒त्राव॑रुणा श॒रदा॑ ॥ मि॒त्राव॑रु॒णेति॑ मि॒त्रा – व॑रुणा । श॒रदा॑ऽह्नाम् ।  
अ॒ह्नाम् चि॒किलू॑ । चि॒किलू॑ अ॒स्मै । चि॒किलू॑ इति चि॒किलू॑ ।  
अ॒स्मै रा॒ष्ट्राय॑ । रा॒ष्ट्राय॑ म॒हि । म॒हि श॑र्म । श॑र्म यच्छ॒तम् ।

यच्छ॑तमि॒ति यच्छ॑तम् ॥ वैरा॑जे साम॒न् । साम॒न्नधि॑ । अधि॑ मे ।  
 मे मनी॑षा । मनी॑षाऽनु॒ष्टुभा॑ ॥ अनु॒ष्टुभा॑ सम्भृ॒तम् ।  
 अनु॒ष्टुभे॑त्यनु - स्तुभा॑ ॥ सम्भृ॑तं वी॒र्यम्॑ ॥ सम्भृ॑तमि॒ति  
 सम् - भृ॒तम् । वी॒र्यं॑ सहः॑ । सह॒ इति॑ सहः॑ ॥ इ॒दम् क्ष॒त्रम् ।  
 क्ष॒त्रम् मि॒त्रवत्॑ । मि॒त्रव॑दा॒र्द्रदानु॑ । मि॒त्रव॑दिति॑ मि॒त्र - वत् ।  
 आ॒र्द्रदानु॑ मि॒त्रावरु॑णा । आ॒र्द्रदा॒न्वित्या॑र्द्र-दानु॑ । मि॒त्रावरु॑णा रक्ष॑तम् ।  
 मि॒त्रावरु॑णेति॑ मि॒त्रा - वरु॑णा । रक्ष॑तमाधि॑पत्यैः ।  
 आधि॑पत्यैरि॒त्याधि॑ - पत्यैः॑ ॥ स॒म्राड् दि॒शाम् । स॒म्राडि॑ति  
 सम् - राट् । दि॒शां॑ स॒हसाम्नी॑ । स॒हसाम्नी॑ सह॒स्वती॑ ।  
 स॒हसाम्नी॑ति॑ सह - साम्नी॑ । सह॒स्वत्यु॑तुः । ऋ॒तुर् हे॒मन्तः॑ ।  
 हे॒मन्तो॑ वि॒ष्टया॑ ॥ वि॒ष्टया॑ नः । वि॒ष्टये॑ति वि - स्थया॑ ॥ नः॑ पि॒प॒र्तु ।  
 पि॒प॒र्त्वि॑ति॑ पि॒प॒र्तु ॥ अ॒व॒स्यु॑वा॒ता बृ॒हतीः॑ ।  
 अ॒व॒स्यु॑वा॒ता इत्य॑व॒स्यु - वा॒ताः । 35 (50/64)

**T.S.4.4.12.4 - Kramam**

बृ॒हती॑र् नु । नु श॒क्वरीः॑ । श॒क्वरी॑रि॒मम् । इ॒मं य॒ज्ञम् । य॒ज्ञम॑वन्तु ।  
 अ॒व॒न्तु नः॑ । नो॒ घृ॒ताचीः॑ ॥ घृ॒ताची॑रि॒ति घृ॒ताचीः॑ ॥ सु॒र्वती॑ सु॒दुघा॑ ॥

चतुर्थ काण्डे – चतुर्थः प्रश्नः – (TS 4.4)

सु॒र्व॒ती॒ति॒ सु॒वः॑ – व॒ती॒ । सु॒दु॒घा॒ नः॑ । सु॒दु॒घे॒ति॒ सु॒ – दु॒घा॑ । नः॑  
 प॒य॒स्व॒ती॒ । प॒य॒स्व॒ती॒ दि॒शाम्॑ । दि॒शाम्॑ दे॒वी॒ । दे॒व्य॑वतु । अ॒वतु॑ नः॑ ।  
 नो॑ घृ॒ता॒ची॑ ॥ घृ॒ता॒ची॒ति॒ घृ॒ता॒ची॑ ॥ त्वम् गो॒पाः॑ । गो॒पाः॑ पु॒र॒ए॒ता॑ ।  
 गो॒पा॒ इति॑ गो – पाः॑ । पु॒र॒ए॒तो॒त॑ । पु॒र॒ए॒ते॒ति॒ पु॒रः॑ – ए॒ता॑ ।  
 उ॒त॒ प॒श्चा॒त् । प॒श्चा॒द् बृ॒ह॒स्प॒ते॑ । बृ॒ह॒स्प॒ते॑ या॒म्याम्॑ । या॒म्याम्॑  
 यु॒ङ्ग्धि॑ । यु॒ङ्ग्धि॑ वा॒चम्॑ ॥ वा॒च॒मि॒ति॒ वा॒चम्॑ ॥ ऊ॒र्ध्वा॑ दि॒शाम्॑ ।  
 दि॒शां॑ र॒न्तिः॑ ॥ र॒न्ति॒रा॒शा॑ ॥ आ॒शौ॒ष॒धी॒नाम्॑ । ओ॒ष॒धी॒नां॑  
 स॒म्व॑त्स॒रेण॑ । स॒म्व॑त्स॒रेण॑ स॒वि॒ता॑ । स॒म्व॑त्स॒रेणे॑ति  
 सं – व॒त्स॒रेण॑ । स॒वि॒ता॑ नः॑ । नो॑ अ॒हाम्॑ । अ॒हामि॒त्य॒हाम्॑ ॥  
 रे॒व॒थ् सा॒म॑ । सा॒मा॒ति॒छ॒न्दाः॑ । अ॒ति॒छ॒न्दा॑ उ॒ । अ॒ति॒छ॒न्दा॑  
 इ॒त्य॒ति॑ – छ॒न्दाः॑ । उ॒ छ॒न्दः॑ । छ॒न्दो॑ऽजा॒त॒श॒त्रुः॑ । अ॒जा॒त॒श॒त्रुः॑  
 स्यो॒ना॑ । अ॒जा॒त॒श॒त्रु॒रि॒त्य॒जा॒त॑ – श॒त्रुः॑ । स्यो॒ना॑ नः॑ । नो॑ अ॒स्तु॑ ।  
 अ॒स्त्वि॒त्य॒स्तु॑ ॥ स्तो॒म॒त्र॒य॒स्त्रिं॒शो॑ भु॒व॒न॒स्य॑ । स्तो॒म॒त्र॒य॒स्त्रिं॒शो॑  
 इति॑ स्तो॒म॑ – त्र॒य॒स्त्रिं॒शो॑ । भु॒व॒न॒स्य॑ प॒त्नि॑ । प॒त्नि॑ वि॒व॒स्व॒द्वा॒ते॑ ।

विव॑स्वद्वा॒ते अ॒भि । विव॑स्वद्वा॒त इति॑ विव॑स्वत् - वा॒ते । अ॒भि नः॑ ।

नो॑ गृ॒णाहि॑ । 36 (50/59)

**T.S.4.4.12.5 - Kramam**

गृ॒णा॒ही॒ति॑ गृ॒णाहि॑ ॥ घृ॒तव॑ती स॒वितः॑ । घृ॒तव॑तीति॑ घृ॒त - व॒ती ।

स॒वि॒तरा॑धि॒पत्यैः॑ । आ॒धि॒पत्यैः॑ प॒यस्व॑ती । आ॒धि॒पत्यै॑रि॒त्याधि॑-प॒त्यैः॑ ।

प॒यस्व॑ती र॒न्तिः॑ । र॒न्ति॒राशा॑ ॥ आ॒शा नः॑ । नो॑ अ॒स्तु । अ॒स्त्वित्य॑स्तु ॥

धु॒वा दि॒शाम् । दि॒शां वि॑ष्णु॒पत्नी॑ । वि॑ष्णु॒पत्य॑घो॒रा । वि॑ष्णु॒पत्नी॑ति॒

वि॑ष्णु - प॒त्नी । अ॒घो॒राऽस्य॑ । अ॒स्येशा॑ना । ई॒शाना॑ सह॒सः ।

सह॑सो॒ या । या म॒नोता॑ ॥ म॒नोते॑ति॒ मनो॑ता ॥ बृ॒हस्प॑तिर् मा॒तरि॑श्वा ॥

मा॒तरि॑श्चो॒त । उ॒त वा॒युः । वा॒युः स॒न्धुवा॑नाः । स॒न्धुवा॑ना वा॒ताः ।

स॒न्धुवा॑ना इति॑ स॒म् - धु॒वा॒नाः । वा॒ता अ॒भि । अ॒भि नः॑ ।

नो॑ गृ॒णन्तु॑ । गृ॒णन्त्विति॑ गृ॒णन्तु॑ ॥ वि॒ष्टम्भो॑ दि॒वः । वि॒ष्टम्भ॑ इति॑

वि - स्त॑म्भः । दि॒वो ध॑रुणः । ध॑रुणः पृ॒थिव्याः॑ । पृ॒थिव्या॑ अ॒स्य ।

अ॒स्येशा॑ना । ई॒शाना॑ ज॒गतः॑ । ज॒गतो॑ वि॑ष्णु॒पत्नी॑ ।

वि॑ष्णु॒पत्नी॑ति॒ वि॑ष्णु - प॒त्नी ॥ वि॒श्वव्य॑चा इ॒षय॑न्ती ।

वि॒श्वव्य॑चा इति॑ वि॒श्व - व्य॑चाः । इ॒षय॑न्ती सु॒भूतिः॑ ।



चतुर्थ काण्डे – चतुर्थः प्रश्नः – (TS 4.4)

सु॒भू॒तिः॑ शि॒वा । सु॒भू॒ति॒रि॒ति॒ सु – भू॒तिः॑ । शि॒वा नः॑ । नो॒ अ॒स्तु॒ ।  
अ॒स्त्वदि॑तिः । अदि॑तिरुप॒स्थे॑ ॥ उ॒प॒स्थ इत्यु॒प-स्थे॑ ॥ वै॒श्वान॒रो नः॑ ।  
न ऊ॒त्या । ऊ॒त्या पृ॒ष्टः । पृ॒ष्टो दि॒वि । दि॒व्यनु॑ । अनु॑ नः ( ) ।  
नोऽद्य॑ । अ॒द्यानु॑मतिः । अनु॑मतिरनु॑ । अनु॑मतिरित्यनु॑ – म॒तिः ।  
अ॒न्वित् । इदनु॑मते । अनु॑मते त्वम् । अनु॑मत इत्यनु॑ – म॒ते ।  
त्वम् कया॑ । कया॑ नः । न॒श्चि॒त्रः । चि॒त्र आ । आ भुवत्॑ ।  
भुवत्॑ कः । को अद्य॑ । अद्य॑ यु॒ङ्क्ते॑ ।  
यु॒ङ्क्त् इति॑ यु॒ङ्क्ते॑ ॥ 37 (64/73)  
(महि॑ – सप्त॒दशे॑ना – स्व॒स्युवा॑ता – अ॒भि नो॑ – ऽनु॑ न –  
श्चतु॑र्दश च) (A12)

## तैत्तिरीय संहिता क्रम पाठे (TS 4.4)

### Prasna Korvai with starting Padams of 1 to 12 Anuvaakams :-

(र॒श्मि॑र॒सि॒ - रा॒ज्य॑स्य - यं पु॒रो ह॑रि॒केशो॑ - ऽग्नि॑र्मु॒र्ध्व -  
न्द्रा॒ग्नि॑भ्यां - बृ॒हस्प॑ति - भू॒यस्कृ॑द - स्य॒ग्नि॑ना॒ विश्वा॑षाट् -  
प्र॒जाप॑ति॒र्मन॑सा - कृ॒त्तिका॑ - मधु॑श्च - स॒मिद्दि॑शां - द्वा॒दश )

### Korvai with starting Padams of 1, 11, 21 Series of Panchaatis :-

(र॒श्मि॑र॒सि॒ - प्र॑ति॒ धे॒नु - म॑सि॒ स्तन॑यि॒त्सु॒निर॑ -  
स्या॑दि॒त्याना॑ - स॒प्तत्रि॑ंशत् )

### First and Last Padam of Fourth Prasnam of Kandam 4 :-

(र॒श्मि॑र॒सि॒ - को॒ अ॒द्य॑ यु॒ङ्क्ते॑)

॥ हरिः॑ ओं ॥

॥ इति॑ चतुर्थ काण्डे चतुर्थ प्रश्नः - क्रम पाठः समाप्तः ॥

=====

## चतुर्थ काण्डे – चतुर्थः प्रश्नः – (TS 4.4)

---

### Details of Panchati , Padam and Krama Vaakyam for Kandam 4 – Prasanam 4 – TS 4.4

	Panchati	Padams	Krama Vaakyams
Anuvakam 1	3	143	176
Anuvakam 2	3	140	175
Anuvakam 3	3	178	223
Anuvakam 4	8	405	451
Anuvakam 5	2	98	113
Anuvakam 6	2	129	155
Anuvakam 7	2	82	97
Anuvakam 8	1	49	65
Anuvakam 9	1	71	106
Anuvakam 10	3	133	150
Anuvakam 11	4	195	226
Anuvakam 12	5	264	311
Total →	37	1887	2248